

序南昌郡城西陸行百二十里有邑曰
奉新其地重岡複澗萃嶺續繞名山
以百數獅山取勝川數十而馮川河
源竅大其他名賢講學之地僊釋栖
隱之窟詩人逸士遊寓之所若梧桐
華林百丈劍井丹井諸遺蹟見於顯
咏者爍然盈冊奉雖巖邑矣固名勝
之區也邑在漢為海昏地中平時立

國

新吳縣後或并或省至唐永淳復置
其易今名則自南唐始迄今不改邑
有志自宋始明永樂時乃重脩然二
志皆供其後嘗經四脩人
朝來一脩於順治之辛丑再脩於乾
隆之庚午覽者猶恨其闕略何也蓋
以斯邑當吳楚之衝為嘯聚之藪自
三國迄元明屢經兵燹卷帙散佚官
斯亡者有志整理宜邑人之踴躍從

事也道光癸未奉大憲飭脩縣志
歲甲申余自杏州移守南昌邑中方
汲仁募脩今值余護理贛關而邑志
適成邑令鄞君屬余序之余曰志非
徒備闕遺也所以佐為治之不選予
嘗聞滕山之下有拾遺鏃者云吳太
史慈與劉繇相拒於此其遺城尚在
梁陳時邑人余孝頃舉兵拒侯景擊
侯瑱應蕭勃王琳皆出人新吳開宋

聖朝

時李成盜據江淮張俊岳飛敗成樓
 子莊即邑西地也元至正時經剽賊
 蹂躪復為偽漢竊據明時江西盜起
 華林越嶺之間盡為賊寨其後宸藩
 之叛李大鑾李肅十之亂蓋幾戰爭
 無虛日矣
 受命二百餘年仁化所被兵氛志靖
 邑之巖疆遂成坦途民生不見兵革
 而安於畝畝衣食以樂生送死非由

上之

於功德休養生息涵煦歷年之深曷克
 功此我後之茲斯二者其山川察
 致此後之茲斯二者其山川察
 其風俗覽志所紀載訪羅胡諸君講
 學之地則知學校之宜脩闕王劉二
 公顯減浮糧之疏則知縣歛之宜實
 思濂溪蘇黃之舊跡則知名賢之遺
 風尚在過岳王舊祠則知蓋功之未
 可盡廢於以稽其地之險易驗其土

聖天

賜進
誥授

之肥瘠以觀其戶口之增耗酌其歲
 時之豐歉本實心以并實政以興民
 利以佐
 子廣歲民之澤者將於是乎在又豈
 特以備關遺乎去道光四年歲次甲
 申季夏月
 士出身
 朝議大夫護理江西吉南贛寧兵備
 道兼管水利事務督理鈔關知南昌

府事吳興鄭祖璣撰并書



重修奉新縣志序

心之所之謂之志記事之言亦謂之志無是心者弗論矣有是心而無同是心者亦無以遂其心而終其事縣之有志所以記事也記之於心久而或忘記之於書遠而弗失然非有志乎此不能始其事也非皆有志於此

不能成記事之書也奉新前志或佚
或存乾隆庚午楚攸余君韓班修葺
頗為完善因時久事增壬寅癸卯間
又嘗議修訂稿迄未竟事統計至今
闕畧者蓋七十五年矣予承乏茲土
視事初即有志乎此延訪邑士大夫
亦咸以文獻所繫積久不為蒐葺將

廢墜堪虞因以重修志乘請予深韙
之正籌議間會

大府有修通志之舉檄各屬纂修縣
志以備稽考事與機合遂禮請邑中
紳士名宿設局重修任纂輯者有人
襄局務者有人兼以城鄉好義者衆
踴躍輸將不勞而集經始於道光癸

未秋孟竣事於甲申仲春甫八閱月
哀然成帙凡三十餘萬言以付剞劂
余謏劣不文雖懷是志時惴惴焉弗
成是懼志不堅則不能成衆志不合
亦不能成志合而力不繼亦垂成而
終敗其成茲之速底於成而予得樂
觀厥成者以予之志合諸君子之志

得諸君子之志輔予之志至是奉新
之志成而予之志亦遂於以嘆諸君
子之志為不可及予幸附名簡端廁
博雅之林而竊記事之譽詎非大快
予志之事歟遂書之以為志序昔道
光四年歲次甲申季春月

勅授文林郎知南昌府奉新縣事加三

級紀錄十次在平鄒山立撰



敘

縣志一書視郡志通志雖小而其成也視郡志通志為難郡志通志雖難勢闕濶究之合縣志而郡志成合郡志而通志成事本於因若夫縣志民親事

近聲瑞造始其中一切沿革廢興損
益盛衰之故歷年既久採訪維艱流
傳不一加以人情之愛憎嗜之物論之少
私清之事蹟之真贗清之徵信未由
折衷匪易故治縣者或苦于簿書

鞅掌而志不暇述即志述矣而或艱於經
費或阻于時事輾轉而不能卒成道光
甲申夏五余攝篆奉邑適前令鄒
君松崖修縣志告竣鄒君蒞治五
載政通民和廢者以興墜者以舉概

然念前志之未脩與邑之賢士大夫往復
商榷精心搜討補缺訂訛不逾載而書成
按奉新一志昉于明之永樂再修于成
化三修于嘉靖至

國朝康熙元年前令黃君修之乾隆庚

午余君修之距今七十有餘載矣問諸父
老乾隆癸卯前令剛君欲修正之局已設
而中止今鄒君不苦于簿書鞅掌之
繁不艱于經費籌畫之累不阻于時事
人地之嫌而毅然修之而即以歲

之然則事無難易顧在為王者何如耳
余不欲繼鄒君後夙夜敬慎時以泰
職為懼語云前事不忘後事之師也
況念先高祖虹亭公以博學鴻詞薦
入詞館與同時五十人纂修明史而余

一官為拓著述無間公餘之暇得此成
書流覽披誦雖未獲躬親其事而
適際其成不可以不志誠不欲積習于俗吏之
為以忝家聲且為凡有職守遇事而畏
難苟安者勸也恭遇

聖朝文治光昌圖書大備在省道志郡志縣

志次第增修而江右南昌府屬之志獨奉

新先成中之上憲吾知必嘉其急當

務而成功速即鄒君之政治亦從可

識矣至其體制之詳綜核之密與夫

山川之靈秀風俗之茂美城郭學校

之增壯人物科名之鼎盛覽者當自

得之是為序

道光四年仲秋月權知奉新縣事

按察使司知事吳江徐培譔



舊序

永樂奉新縣志序

奉新古海昏之地而晉更曰新吳焉在豫章西山之西越嶺之東山川秀麗風俗淳美便工商之業通物產之利庠校之士勤經業而登科第者簪紱輝聯故爲豫章望縣也永樂十二年秋欽承上命出宰斯邑嘗求縣志竟弗克獲居歲餘以董工趨事北京十五年冬暮還適邑庠希文詹廣文持帙而告曰是編也乃縣志大概前此簿判上虞孫公敏才命司訓雷陽楊公永源採摭草創未幾孫以朝覲行楊以丁艱去欲類之而莫果也顧君子成人之美予因

感而歎曰好事之難成有若是耶且修舉廢墜爲政之先務也予奚敢後之遂以是本邀諸進士張公淳禧暨邑士葉思濟毛蘊德李克躬日就學宮正其訛舛補其遺缺編次成類俾諶克偉胡仲器校正書藁來獻予受而覽之於是一邑之形勝風土山川人物古蹟名宦文類詩章瞭然在目矣諸士子請予序其端予謂之曰郡邑之有志所以紀事實登文物則風俗之淳漓士習之隆替一覽可徵惟我聖朝制作復古典章文物超越於前崇學校而賢才輩出重農桑而國賦有章設壇壝所以嚴祭祀之禮謹鄉飲所以篤淳厚之風閱此數事則志之關於政教也不爲不

重矣其端於孫楊而成就於今日則所以成其美者爲何如哉遂命工鋟梓以著於一方俾後之人有所考而續云縣令江都趙理序

成化奉新縣志序

志書之作其來久矣肇於上古之九邱繼於禹貢之敷土其志未備至漢地理志始爲詳悉唐圖十道宋編九域則紀載詳矣洪惟我朝統有萬邦圖輿之廣風化之盛凡在郡邑莫不有志奉新邑志雖存而記載之體繁簡之宜去取之公觀者不能無憾成化紀元幸蒙朝廷遣官纂修郡邑圖志時本學司訓邵忠暨邑之儒士王承緒毛有倫等

同心協力而採錄之集成卜吉以進惟藁是存於是時邑令天台謝公煥以儒官牧斯邑不三年六事畢舉百廢皆興成化庚寅冬陞爲九江守將之任懼是錄歲久散逸乃屬予編次成集予不容辭遂會集本學司訓鄭和願望相與討論復延本邑致仕同知孔惠質正於是以新舊二志互相讎校訛者正而遺者補繁者芟而新者續一邑之內山川地理之勝賦稅生齒之繁風俗人才之盛學校壇場之美人焉忠孝節義之著士焉文學才行之高與夫名宦政績題詠詩文靡不分門類聚登載無遺書成釐爲八卷邑之典幕廣宗李慶詣予曰邑志之作所以紀一邑之盛

事誠風化之所關也可祕乎哉遂捐已俸用繡諸梓以永其傳而屬予弁其簡端嗟夫是書之集豈但誇一時之文物豈但資一時之檢閱而已哉蓋欲後之生於斯者覽之知某忠某孝某節某義思以景仰之官於斯者覽之知某循某良某政某教思以景行之士農工賈之居於斯者覽之又知某人文行之高某人出處之正各思以務其業以勵其行以承先哲之聲光於不朽以享太平之盛治於無窮也然則是書之關於治化也大矣豈小補云乎哉遂書以俟後之執筆者教諭古閩林淳序

嘉靖奉新縣志序

奉新古名邑也在漢爲海昏之地及典午平吳遷孫氏其上更曰新吳石晉天福二年徐知誥代吳稱唐惡新吳之名若相並峙始改曰奉新亦後世去忌喜識之意山川之秀麗風俗之淳樸人物之俊良戶口之蕃衍財賦之充實與夫儒林梵宇之森立仙源聖蹟之靈異南昌之屬邑有八而奉新不多讓焉至我國朝聲教四訖號稱易治迄今百五十年世趨江河治道判去牧茲土者雋否不一鼓舞之機寢不古若重之以逆藩煽虐灾歲頻仍而民滋狡僞者日衆詞訟蔓興奸宄蜂起自是釀成華林之嘯聚剽掠十餘年而始散民風至是一大變矣嗚呼古之新吳卽今之

奉新也豈天之降才爾殊哉要亦知所以作之者之術異其趨焉耳新天子改元之初年雲鳳猥以庸劣承乏茲土始至值兵凶之餘百度凋敝閭井蕭條人民桀傲催徵勾攝殊費心力兼之才與任違莫知所措暹勉從事勞勩萬狀朞月稍有成殆及瓜期則政蹟民風歷歷若有可志會武廟升遐禮官檄天下郡邑各萃實錄與志文實相表裏而邑博三君子皆發跡賢科東南時髦雲鳳時相欵洽有麗澤之益焉一日雲鳳語之曰紀事莫大於志書大傳曰天子有問無以對責之凝有事而不志責之丞司馬遷不作志遂使三代秦漢之制度沿革不傳有識者至今不能

不爲浩嘆今江右省郡皆以時修輯而吾治邑志尙爾缺
典司風教之任者責將安歸僉曰諾時學訓南海陸君希
且性資純孝自捧檄家居卽留內子侍養而獨處官舍者
已六稔於茲矣講次有暇應餘有文遂假秉董狐之筆編
摩撰次之功實任其責而學諭毛君德亨同官葉君子鍾
互相參訂衆善咸集不數月而志書有成其爲卷凡若干
各有論列綱則大書目則分注宛然國史矩度置之篇帙
殆未可甲乙者是則可嘉也已若其分列次第則曰地理
曰財賦曰宮室曰羣祀曰儲郵曰秩官曰選舉曰人物曰
恩例而外志兩卷則以祥異爲始而以詞翰終焉梓而行

之者則雲鳳顛主其事共濟其美者則同寅邵君衡甫吳
君士瞻董其工者則幕銜林子景輝也邑博三君子謂雲
鳳有提調之責當序諸簡首故僭次其顛末如此若夫啟
百世復古之功基一代維新之制以備他日太史之采錄
者深有望於後之君子焉吾何敢縣令烏程朱雲鳳序
康熙元年重新奉新縣志序

南昌之屬有八奉新差小其山川人物之勝恒與他邑之
大者埒其從新吳更斯名也自後晉之天福始也其官是
邑之賢者徵文考獻多爲之誌今百餘年實缺焉則自明
之嘉靖止也嘉靖以後相承太平至啟禎歷世寇亂迄乎

本朝兵荒間有其間懸日旣博掌故無存綜述其政事得失之因民生盛衰之數備采風助宣化傳之久遠衆信罔愆非徒一名一物辨定是非舊見舊聞補刊缺謬知不足焉有不知學不博焉有不學問不審焉有不問憑臆之私人耳出口之計猶之乎短綆之汲深駑足之駕遠也噫其難之已黃君以闢隴名英官奉新甫二載政教之餘邑志修舉諸如地輿建置大小義類於舊志從同不爲異若夫賦役代更人物歲益灾祥淳薄之日變於舊志加詳考舊志朱邵諸君之作在嘉靖四年迄

本朝順治康熙年間其中厯邑令無論賢不肖殆數十人數十人不能志必以俟黃君者才之不相若也且由今視昔凋敝於奉新方甚術賦狙而窮心反喪而苦有時而捍禦亦與之爲捍禦不得已而催科亦與之爲催科其簿書也綦繁其期會也綦迫其論說於家戶也綦勞前此數十人或稍暇於今而皆不遑志今之他邑其勞苦概猶之奉新而志者亦恒有不暇茲黃君之書歸然集成矣人才之不相若又何啻什伯此尤可見之哉噫予於此重有感也江西布政使司右布政王庭序

周官有內史有小史有列國之史其小而相附以見者各有紀事之書又小史之遺也事當掌載故實而人心風教

興善備敗之道寓焉今一邑百里不依然古小侯國哉古者晉之狐楚之相各爲其地之良以炤耀於時自郡縣以來古法寢廢雖省郡視大國屬邑視附庸沿習古意雜見修舉而世掌不專臨文多隱治忽詳略之間古今不相及有闕遺矣奉新爲南昌郡部邑之一畫疆而理有山川出雲物有高下原隰邱陵陂澤產財貨有社稷壇壝主祈報有戶口之增耗有賦役之繁簡有人才之盛衰官秩之賢不肖皆在所關重載籍世守之曰文老成覩記能稱道之曰獻奉雖小而附郡哉微文考獻其可附見者附見之專紀者專紀之正不相概也今其邑志闕焉無考者造百年

矣其間耕戰迭興一切致民之具隨時取濟而古法相繩較然得失慮不可見矣世運三十年爲一世過此將求之於聞更過此將求之於傳聞求之於傳聞卽上下五六十一年間事將傳信傳疑岌岌乎放逸是懼况逸焉隔代中更百年保無蕩然無餘者乎是誰之責也抑奉之爲邑也田植簡薄浮糧泛賦倍於宋元原額以故地僻而民日貧逋負相積其來官者率困於成法繭絲不暇考課恐後於諸治體損益或未講求夫令長之職豈徒專土田督賦稅已乎蓋將經久遠厚風俗察民疾苦斟酌於古今之通而爲治乃手口拮据一堂之下一日之間紛然於庸人之擾欲

何爲也就此百年內由今視昔較時孰暇較民孰罷較賦役孰亟較簿書期會上作而下應也孰難而孰易當不可同語以昔人之易已不能難今日之難乃欲以今日之難而更易昔人之不易無惑乎缺焉百年寢以湮遠鮮有克舉者矣隴右黃君宰奉邑之明年邑之所難漸以就易乃優優於閒暇之力而備補百年之闕不有以大遠乎俗吏之爲之耶且其爲書也義有緩急辭尙體約則而覈詳而微忠而不刻簡而有關董教者視此無悖行修政者視此無遺慮不尤有以大遠乎俗吏之爲之耶黃子之官於奉也亟是志也以明政也庶幾其不愧乎古矣兵備道周體

觀序

夫志也者誌而傳之也非徒備一時之故事乃爲他日徵文獻耳奉新志遠不可考而編序所及蓋成於有明之永樂間也江都趙君實爲創始烏程朱君復輯於嘉靖時已爲重修矣迄今多歷年所滄桑屢變黎棗不壽竟成闕典予實宰斯邑詎可任之於是延邑之孝廉文學就館而議纂修焉然予之修也亦重修也若修廢而更前人之絃仍廢也何修乎故條例綱目一遵舊章雖時至事起踵事增華不無益贅於其間亦惟期於舊廢具舉正訛補遺非敢云於舊有加也至於修志之深心讀志之觀感與夫志中

之節概皆前賢所已序及者茲不附筆焉非略也懼襲耳是集也經始於順治辛丑歲十一月至康熙元年夏六月告成縣令黃虞再序

志者史之表也古往往以史氏掌之誠重之也所以重之者以四方之利弊興除雖遠而數千里久而數百年皆具備尺幅中可以指數而經畫之而徐施其補救也則志之與政又相因焉奉邑舊有志久缺未修邑侯黃公隴右名進士庚子春王來牧茲邑釐弊政清積逋鋤豪猾新翼序將三年報最乃詔紳衿耆舊謀所以續之爲凡例若干卷授孝廉文學採集時事侯爲折衷潤色以爲一代一邑之

信史藁三削而始告成夫奉新之志自萬歷九年而至今日僅六七十年往當道徵求則斷簡蟲篇等諸闕文興利除弊諸大政更莫考其原始孰有如今日之明備哉侯之留心於志正侯之留心於政也是侯之政足以仁奉邑而有餘侯之才足以壽奉邑於不朽卽後之吏斯土者不惟按志而知典故殆如入政府而指南之矣其有造於我做邑詎小補云爾乎余以樗材謬附數言簡末而不能窺侯之深且大猶一詞之莫贊焉耳是爲序邑人宋士琇序
重修奉新縣志序

周禮小史掌邦國之志外史掌四方之志邦國之志如春

秋傳所稱周志王朝之志也四方之志如魯春秋晉乘楚
檇杙之屬今郡縣之各爲一志者類是志載之傳蓋自古
爲隆矣我

朝聲教遐敷無遠弗届旣纂修

皇清一統志以備邦國之典而四方郡縣雖邊徼荒陬亦莫不
有志余於雍正二年奉

命出守廣西之太平則修其府志閱二年備位中丞則又修其省
志并檄各郡縣皆從事焉夫以粵西僻居天末而志乘一
修其間山川土田人物藝文莫不燦然明且備者有以知

本朝

聖聖相承崇功盛德休養生息涵煦於百年之深也余邑居吳楚
之衝於四方爲中土里閭父老子弟幸生無事之時相與
樂其畎畝而習其絃誦其受

聖朝之化育尤非荒僻比顧縣志自康熙元年修後迄今七十
餘年未有重輯之者此豈可缺焉而不講乎甲寅秋余由
粵藩擢春卿之貳入京師道經里中訪求先哲遺文間或
一得諮詢遺事而故老猶有存者蓋天下之平久矣及此
不修恐故實遂就湮沒因命兒輩舉斯役也爲例授之旣
數年歲已未長兒禾走京師遂挾成書以質云是與鄉先
輩共訂草本余公餘詳閱稍爲更定其中記載增舊十之

七體例則大異於前而頗無乖謬余既喜縣志之重修而
又歎

聖朝德化吾邑數十年間人文駁盛科目繁多將必有抱道德
而立功名以垂芳於

國史者出焉則豈惟邑乘之生色而已也此余於修志之下
而重有所望者歟是爲序邑人甘汝來遜齋氏序

乾隆十五年重修奉新志序

奉新在前明稱巖邑其地多深林複塹峻嶺崇山又當五
嶺要衝自春秋時越勾踐耀兵於此三國吳太史慈拒劉
磐六朝余孝頃備侯景南宋岳武穆破李成代經兵燹元

季史普清陶八都胡紹遠陳龍帥元濟諸劇賊先後蹂躪
十餘年僞漢陳友諒挾以自雄久之乃定明正德中華林
嘯聚盜殺官兵甚熾重以逆藩煽虐狡獪滋逞遷延而紅
巾流毒訖明之世干戈四起

國朝順治初年金聲桓王得仁餘孽猶肆猖獗而康熙甲寅
乙卯間楊富黨復貽害焉蓋其勢便習慣使然而明爲特
甚况斯邑水泉寒冽地田磽确豐稔歲僅足民食方友諒
之割據龍興也兵多餉匱賦增三倍明祖惡其抗梗遷怒
羣黎仍其弊以示罰凋敝之後繼以逃亡以故明之官斯
土者撫字催科交形其拙考輒下下逮替相尋目爲畏途

匪伊朝夕洎涵濡乎

聖化俗始漸馴風始漸革乾隆十四年歲在己巳秋九月予銜命來以疇昔所聞未若今茲所見甫入境吏謁馬首卽向索志乘思得其土宜風氣之梗概以宣

上德意而學製美錦焉顧所呈乃康熙元年前令黃君之所裁定閱今九十年闕焉未講且其書失板二十餘片斷殘莫考此九十年中風會升降民物豐耗與夫制度典章人文治化一切茫如竊懼其散軼難稽也慨然思有以續之及到官檢牒欣見制府黃公蚤籌及此通檄所部因時編輯予雖不才承乏茲邑益何敢後爰汲汲焉徵文考獻廣蒐

羅充聞見期有以副憲懷述鄙志明年春得冢宰甘莊恪公命其嗣君愛廬主政所纂志藁一帙手筆巨麗規模粗具喜有徵矣遂籌費設局廣延邑多聞宿學諸君子分修總校折衷至當其體例則坯胎甘藁而間參損益其去取則遵承憲檄而裁以公直其於舊志則仍其記錄補其滲漏正其訛謬刪其俚蔓而於新事慎擇嚴收戒穢懼濫惟功令制作將以憲章百世蓋不敢不詳焉是役也經始於初夏告成於孟冬別爲四圖三表六志十三列傳釐爲三十卷夫而後九十年以來之事蹟於是乎有成書矣夫而後奉新之爲奉新今之大異於昔所云者於是粲若列眉瞭

如指掌矣蓋

國家承平百餘載釐剔奸弊澄清吏治休養生息皞皞熙熙
中間攤丁以輕徭汰浮而薄賦

恩膏叠沛正供視舊額歲減及半偽漢前明之厲政偏竄奉民
浸淫數百年倒懸莫解者久矣出水火而衽席之也懷生
樂土莫厥攸居齒字殷繁服習勞苦陂塘山澤之利以時
興舉凡深林複塹峻嶺崇山甌脫疇零磽确寒冽之鄉莫
不漸成沃壤崇學校廣士額

制以十六條朔望讀法教民興行編保甲以嚴守望辨淑慝以
大激揚民之生也耳聞詩書而目不識兵革士陶禮而淑

樂儀向慕而知方製時勢便習慣然不靖之心不知消
歸於何有澤靜萑苻村恬鷄犬猗歟盛矣雖古康衢華胥
何多讓焉此習俗隨氣化爲轉移時勢閱今昔而改觀也
夫

皇朝聲教覃敷重熙累洽超蹤文景方駕唐虞光天化日之下
飲和食德蓋遠被於雕題鑿齒黃支烏弋薄海內外重譯
胥然叢爾奉邑云乎哉然而風會不遺於一隅故實各匯
於所掌詳書備載固猶是職方之遺意也且將使斯民宰
牧因禮讓信義之俗進謀夫誠和平康之治易昔日之所
難而不憚難今日之所易俯循職業仰答

朝廷外孚輿情內酬素學俾後之覽者有所考識於是冊也顧不重哉若夫趣尙樸淳衣冠鼎盛或紀載所已及或耳目所周知襲前侈美弗敢贅焉特敘其因革之大者以見志緣地起地以事傳之義云耳至於載筆愧乏乎三長昭信姑俟夫千載世或予諒而慎別裁辨亥魯事增於前文省於舊則庶幾有一得焉是爲序知縣楚攸余潮序

乾隆十五年春奉制憲明檄兩江郡縣修輯志乘以周知所部土地人民仰佐

聖天子明目達聰勤求民隱之至意奉新爲江右屬邑三楚余公實爲之令承檄開館設局延請儒紳殫心一力敬慎奉行始事於是年四月十二月告成宗聖備員邑丞蒙堂惠時以疑義諮訪八月堂臺分校鄉闈丞奉例署篆月餘更得總覽大要參與可否竊惟我

國家久道化成風移俗易至今日而極盛無加卽奉邑可徵焉夫丞無分職而貳於令嫌不可否事自古而然而宗聖以關西一介十年於茲性愚也而民不敢欺性懦也而民不敢侮董漕丞職也每歲秋冬刻日輸將不煩敲撲起運之際十二鄉漕米聯檣接艦次第整列丞以扁舟往來自馮川以至吳鎮自吳鎮以達章門晨夕無愆得以如期告至幸免隕越古稱余不負丞而丞負余今余未必不負丞

而丞自不負余豈勢驅使然哉良由此邦人民沐浴

聖天子仁漸義摩之至化封疆大吏以及司牧又能奉宣以實無遠勿届無微不周是以里多君子戶有淳風庶僚下位咸樂其職如此也謹因告成之暇以所驗於奉邑民風者颺言簡末若夫山川土地之美人才物產之盛與夫古今藝林之傳記則志書具在允可傳信云縣丞楊宗聖序

地必有志所以記其山川土風巨俗大王會而尊朝廷也

皇帝御極十有五載薄海內外至治至安於是舉行巡狩之禮歲辛未

翠華南幸臨涖江浙將以省方問俗以復古三代之治甚盛典也先是兩江制府黃公符下所屬郡邑咸使編纂志書以備輶軒之採適楚攸余侯以名進士來治奉乃集邑人士蒐羅文獻條理既具侯於公餘損益而折衷之閱八月而書始成奉新爲南昌屬邑春秋當吳楚之交漢爲海昏地隸豫章晉爲新吳南唐始爲奉新僻在山壤旣非通邑衝衢足以據天下之勝又無名山大陸江湖飛泉之美與夫英雄戰鬪之蹟仙佛棲止之場足以供憑弔而侈游觀故自明以來志多簡略

本朝順治初邑宰黃侯虞再始加重輯然考據未精多有遺

漏至於侯取而刪定之缺者備疑者去於山川七風人物
蓋燦然具矣是役也邑能文士咸集而家弟光祖實與校
讐兒子驥亦得從事於斯脫稿卽緘寄余余待罪塞外三
年於茲望故鄉在天際得是書讀之展卷如瞻桑梓一邱
一壑幼時漁釣之所歷歷在眉睫間何其幸也余昔嘗備
員史局每觀古今記載之書其失實者固多至於採輯無
人因而遺軼者又不知凡幾奉新一彈丸耳由春秋溯今
未必無可傳之事其幸而載在史冊固足以垂不朽否則
如飄風逝煙過而不復留耳今得侯網羅而搜輯之雖山
陬小邑無關於天下之大然而千八百餘年山川之名勝

風俗之遷移政治之所留遺名賢之所過化至於忠臣孝
子義夫節婦之芳蹤高流逸品文人才士之著作皆不至
等諸飄風逝烟同其澌滅侯之功洵不可誣矣抑余更有
進焉

國家氣運所開有時而極盛

本朝

列聖相承涵濡教育百有餘年故雖窮陬僻土亦皆人文蔚起有
可觀者而侯以湘南名宿適當其盛益足以鋪張而潤色
之以揚挖

熙代王會之隆而應制府之命斯其際也敬爲颺言之如此郵

示家弟並以質之侯或得附諸簡末邑人帥念祖蘭皋甫
序

皇上御極之十有五年海內熙晏民物阜康將以明年仲春舉
南巡之典

翠華所至省方問俗必徵文獻於是部使者檄所部郡縣各
修地志以備採風而我邑侯浙三余公以名進士蒞任茲
土恭承憲命踴躍告修上年冬余假居里門邑侯邀余督
理其事余謝不敏會余欲就選亦不果留侯聞余有舊修
志稿亟請於余余因得而正告之曰僕之有斯志也非敢
曰僕之書也實先大夫手澤之所存焉憶雍正甲寅之秋

先大夫由粵藩內擢假歸里中與鄉士大夫言邑乘未修
者將八十年矣懼邑故之久而遂湮也時僕侍側因顧謂
僕曰兒輩得毋意於是乎爰手爲凡例授焉旣踰年僕馳
驅京洛顛倒名場未有以應也丁巳冬倦遊而返先大夫
復賜手書促舉其事用敢請於縣尹趙君趙君忻然爲設
館於縣署之左徵請邑中博學而能文趙君質齋帥君蔣
房暨家阮樹畹三人者與俱昕夕共事相得無間閱數月
稿成凡志表列傳爲若干卷錄副本摺之走京師就正於
先大夫先大夫公餘篝燈筆削頗費苦心已未夏僕孳稿
南歸急欲謀之荆氏不謂遘罹閔凶先大夫遽騎箕而上

仙僕喪事倥傯此舉遂至中輟迄於今未就嗚呼先大夫之棄世今且十年人事變遷蓋亦多有斯志也僕豈敢自以爲一邑功亦惟是藏之家閣守而勿失俾後人見先大夫老年手澤之所存焉已矣孰知夫又可爲此日之張本也哉今旣承明命公諸同好斯亦先大夫之志也其曷敢靳今年夏予居京邸有人自南來問之則知我侯糾衆局修剋日成帙規模次第開多據依舊本而以我侯之巨筆張皇潤色於其間燦然明備釐然條貫中以應列憲之求而上以備

清問之及顧不美歟夫以我侯蓄道德而能文章爲邑徵文考獻成百代之傳書又何事訪舊襲跡下探蕪蕘乃謙沖自牧不居作者因是而余之所藏以爲一家之書今竟爲一邑之書俾先大夫當日盛心一旦得而展揚謂非厚幸也哉於其成也敢爲著其原委焉是爲序邑人甘禾愛廬甫撰

後序

晉攀虞依禹貢周官作畿服經於州郡縣分野山陵水泉鄉亭道里土田民物風俗靡不具悉凡一百七十卷齊陸澄因之聚一百六十家之說爲地里書任昉又增陸書八十四卷謂之地志今州縣之志蓋昉諸此矣顧州縣之有

志同也而其所以爲志則有必不能同者何耶今夫自畿輔以達於天下通都大邑名勝之所與夫窮陬僻壤海隅邊徼獠疴瘴癘之鄉其大小遠近衝僻繁簡雖有不同至於分野山陵水泉鄉亭道里土田民物風俗則皆有之矣記載者亦舍是無由也然而猶有必不能同者非記載之有異也先後部次疎密詳略之間作者之意將於是不傳之矣譬諸人五官四肢百骸其所同也然而天下之人卒未有同者則莫不各有其傳焉者也奉新之有志自宋始馬氏通考載張國均新吳志二卷作於嘉定甲戌今其書已亡明景泰嘉靖萬歷皆有志

本朝順治間曾修之距今近百年於茲乾隆己巳制府宮保黃公飭所屬兩江郡邑修輯志乘檄下適楚攸余侯來治奉下車首延紳士廣諮文獻庚午乃設局致餼招邑人士搜羅而考證之先是乾隆三年邑冢宰莊恪甘公首修邑乘光謬與校讐之列與其冢嗣愛廬趙君質齋甘君樹畹編次甫脫稿會莊恪公捐館舍未釐定而罷至是侯取其舊本因革而損益之而光菲材復蒙侯芻蕘之訪益得以悉心商榷凡有未安者侯於公退之餘復手自刪訂書成爲表三志六列傳十三附之以雜志紀事凡爲卷二十有八光於是得以窺侯用意之深而嘆古今作者之艱也夫

志記之書作之難修之尤難取數百年之事哀之於一手
此非有過人之才與識固有所不能若夫筆削已成之書
使是者存非者去考據不極其明何以服前人之心去取
不衷於當何以免後人之議則夫部次先後疎密詳略之
間正未得而輕言之矣昔韋述作西京記宋敏求以爲未
備演之爲長安洛陽二志司馬光序之稱其開卷燦然足
爲博物之書今侯之爲志奚以異是光不敏兩與斯役深
悉侯之意而次其崖略如此蓋旣幸得挂名於簡末而尤
喜前此之所爲猶得附於摯虞氏之列也邑人帥光祖葯
房氏謹序

奉新縣志目錄

卷首

序

舊序

姓氏

舊修姓氏

凡例

繪圖

卷一

輿地志

沿革
風俗

疆域
物產

坊都

山川

古蹟

塔園

卷二

學校志

學宮 書院 試院 各田附 府學義舉附

卷三

建置志一

城垣 官署 防汛 秩祀附公儀 祠廟 寺觀

卷四

建置志二

津梁附修路 水利

卷五

食貨志

戶口 田賦 蠲賑 恩賚 漕運 倉廩

卷六

秩官志

統轄 知縣 縣丞 教諭 訓導 主簿 巡檢 典史 稅課大使 武職 封爵

卷七

人物志一

宏詞科 進士 舉人

卷八

人物志二

童科 辟薦 恩賜 諸貢 武科甲 應例 雜進

卷九

人物志三

封廕 遺獻 寓賢

卷十

人物志四

列女

卷十一

藝文志

書目

卷十二

雜志 祥異 紀事 撫聞 方外 壠墓 補遺

新修姓氏

鑒定

護理吉贛南寧兵備道南昌府知府鄭祖琛 浙江烏程縣人乙丑進士

總修

署南昌府義寧州事奉新縣知縣鄒山立 山東茌平縣人監生

協修

奉新縣儒學教諭傅紫綬 南城縣人戊午舉人

奉新縣儒學訓導徐起鵬 高安縣人甲子舉人

興修

署奉新縣知縣按察使司知事徐培 江蘇吳江縣人監生

前署奉新縣訓導現任安福縣訓導干廷熊星子縣人廩貢

原任奉新縣縣丞徐統藩浙江錢塘縣人監生

前署奉新縣縣丞李樹矩四川三臺縣人監生

奉新縣縣丞宋震群江蘇長洲縣人監生

奉新縣羅坊司巡檢郁文盛江蘇吳縣人監生

奉新縣典史馬沅江蘇陽湖縣人監生

編纂以下皆本縣人

吏部文選司額外主事前翰林院庶吉士趙敬襄縣市下坊人己未進士

原任廣西分守桂平梧鬱鹽法道宋鳴琦北鄉人丁未進士

協纂

前任安福南陵縣知縣翰林院庶吉士徐心田建康鄉人辛酉進士

前任廣東豐順縣知縣內閣中書嚴暉吉進城鄉人辛酉進士

原任浙江餘姚縣知縣涂日耀同安鄉人戊午舉人

揀發東河試用知縣廖守修縣市上坊人甲子舉人

分修

辛酉科舉人徐豐縣市上坊人

帥廷幹奉新鄉人

甲子科舉人甘立暘法城鄉人

戊辰科舉人張綬組縣市下坊人

庚午科舉人趙惠霖縣市下坊人

帥方蔚 北鄉人

癸酉科舉 人許定璠 建康鄉人

己卯科舉 人羅夢鯤 進城鄉人

吳鳳鳴 歸德鄉人

辛巳科舉 人廖為庸 縣市上坊人

鄧祖瑀 縣市上坊人

壬午科舉 人蔡禮臻 奉化鄉人

古化淳 新安鄉人

黃烜 從善鄉人

廩膳生 員張五經 新興鄉人

生 員許烜 南鄉人

涂任田 同安鄉人

督理

前任雲南江川縣知縣尋甸州知州廖映暄 縣市下坊人

生 員鄧敏修 縣市上坊人

收掌

監 生甘本煌 法城鄉人

生 員帥芝生 北鄉人

潛承曜 縣市下坊人

重校姓氏

道光六年

總校

署奉新縣知縣卽用知縣沈

鑑 浙江德清縣人壬午進士

重校

前任安徽南陵縣知縣翰林院庶吉士徐心田

建康鄉人辛酉進士

原任浙江餘姚縣知縣涂日燿

同安鄉人戊午舉人

廩

膳

生

員張五經

新興鄉人

生

員廖與超

縣市上坊人

重校經理

前任雲南江川縣知縣尋甸州知州廖映暄

縣市下坊人監生

重刻

重刻

重刻

重刻

重刻

舊修姓氏

宋志二卷

邑令張國均修

見文獻通考今逸

明永樂志

知縣趙理

簿判孫敏才

司訓楊永源

邑紳士張昭

葉思濟

毛蘊德

李克躬修

見原序志逸

景泰志

名缺

成化志

知縣謝煥

教諭林淳

司訓邵忠

邑紳士孔惠

王承緒

毛有倫修

宏治志

名缺

嘉靖志

知縣朱雲鳳

訓導陸任忠修

萬曆志

邑紳士黃卷修

國朝順治志 知縣黃虞再 邑紳士閔鉞 潘美修

乾隆庚午志 知縣余潮 邑紳士等分修 進士甘志道

張星景 涂錫毅 舉人蔡尙才 帥光祖 廖漢

宋五仁 帥家駿 王世仁 副貢徐為煊 徐道復

歲貢趙開泰 廩生甘立德 提調奉新縣典史阮正階 校

刊武進士徐學灼 武舉廖聘 廖振 經理武舉

徐敵 繕寫 生員曹渭 張馮翼 徐江 監梓

貢生蔡鴻才 嚴達洪 生員譙任賢 許人瞻 監生徐

讓 徐成鵬 鄧錫桂 陳鍾競 王颺顯

奉新縣志凡例


一舊志成於乾隆庚午經今七十餘年前於壬寅癸卯間曾開局編纂雖已脫稿未及成書茲又閱四十餘載事蹟愈多修輯宜亟欲即舊本逐條增入未免冗繁欲為續本與舊志並行恐滋歧異今一以舊本及癸卯底稿為主參酌省志府志重加排纂體例略殊固不敢菲薄前人亦不必拘泥陳迹覽者諒焉


一地志之作原貴簡明考韓邦靖朝邑志止二十七葉自明以來推為絕作然其自序猶以舊志為疎略次則康海武功志亦止二卷合諸萬季野閩百詩諸家所論知著書自


有體裁今茲所輯雖卷帙較繁而事勢應爾愧未能追步
康韓亦仍期免譏冗漫

一郡縣志原與諸史不同史書列傳亦未嘗盡有標目舊志
自名臣以下分十二類其中名臣治行儒林文苑之分前
人自有權衡今之所續殊難論定故以選舉并歸人物依
類登載務去浮詞實事求是冀觀者入目瞭然其未登選
舉者則以遺獻概之孰名臣孰治行孰儒林文苑以俟後
之君子

一是編分總目八分子目五十有四各隸於總目之下曰輿
地分沿革疆域坊都山川古蹟六子目而風俗物產附焉
曰學校而學宮書院社學試院以類從焉其列於建置之
前者尊聖教也曰建置分城垣官署防汛秩祀祠廟寺觀
津梁水利諸子目而以公儀附於秩祀之後曰食貨而戶
口田賦蠲賑恩賚漕運倉廩詳焉曰秩官名宦在其中倣
浙江通志之例凡有事實於姓名下雙行夾註明以前封
爵附焉曰人物選舉在其中事實雙行夾註如名宦曰藝
文邑先輩所著之書凡已傳者備存其目其舊志及今續
補之詩文爲地與人與事而存者依范石湖吳郡志之例
各註於地與人與事之下無可附麗者入於雜志雜志則
首祥異而以隴墓殿焉








長江系

卷首


四




長江系


卷首

三




學宮






試院





百文山



志之有圖由來舊矣奉邑山川之袤廣城池之高深與夫聽政之區育賢之所篇帙具存纖悉皆備然不假諸繪事肖厥形方將恐讀者了然覽者茫然矣舊志圖四今悉仍之益以考棚百丈山二圖蓋試院所以興人才鎮山所以壯巖邑必爲指畫乃獲昭垂又舊本圖各有說懼滋辭費茲悉從省而識其大凡於此

奉新縣志卷一

輿地志

沿革
風俗

疆域
鄉舖
物產

坊都

山川

古蹟塔園

自班氏以下諸史皆志地理列九州之風土詳一代之職方圖牒是關體裁斯重新吳立縣在漢中平吳晉六朝咸循舊貫隋平江左省入建昌及唐永淳仍前復置南唐割據始改奉新沿革所存事堪揚摧原夫犬牙錯入蝸角時聞虞芮之訟擾攘於當年莒魯之爭紛紜於秦葉斯則版章各別疆索宜明昔禹貢肇紀山川班書兼言風俗隋唐諸志更及坊都物產樂氏寰宇記並詳古蹟故採諸書之例編次沿革疆域及坊都山川古蹟風俗物產之屬都爲

一卷以爲輿地篇焉

沿革

禹貢揚州之域春秋時屬吳越滅吳屬越戰國時屬楚秦
 爲九江郡漢高祖五年封英布爲淮南王以九江廬江衡
 山豫章四郡爲淮南國豫章郡領縣十八其一曰海昏新
 莽改宜生東漢時復舊和帝永元十六年分海昏立建昌
 縣靈帝中平二年分海昏立新吳縣初高帝以項籍起江
 東惡其強盛遷吳之
 大姓吳氏塗山氏東馮氏於海昏因名其
 地爲新吳至是分海昏建昌立新吳縣獻帝建安四年
 孫策下豫章分海昏建昌左右六縣以太史慈爲建昌都
 尉治海昏晉武帝太康元年平吳置揚州豫章郡新吳縣

徙孫氏子孫於縣境惠帝時置江州豫章郡屬江州宋齊

梁仍晉制陳武帝永定初分豫章郡五縣豫章建昌艾置
永修新吳

豫寧郡隸江州新吳屬豫章隋文帝開皇九年陳平改郡爲

州以豫章郡爲洪州總管府省新吳入建昌煬帝大業二

年改州爲郡以洪州爲豫章郡唐高祖武德五年置南昌

總管府領南昌新吳靖米孫五州復置新吳縣屬新吳州

武德八年省南昌總管府并入洪州都督府南昌新吳靖
米孫五州並

省新吳縣入建昌太宗貞觀元年分天下爲十道洪州屬

江南道高宗永淳元年復置新吳縣邑人涂文師瞿恩祥
等以道遠難於供輸

請復置縣詔從之仍名新吳元宗開元二十一年分江南道爲江南東

西道洪州屬江南西道天寶元年改州為郡以洪州為豫

章郡肅宗乾元元年改郡為州以豫章郡為洪州乾元二

昌軍憲宗元和六年廢懿宗咸通六年置南唐末洪州屬吳楊氏南

唐烈祖保大元年晉天福八年吳禪位於唐改新吳為奉新縣

南唐代吳惡新吳之名故改為奉新縣中宗交泰元年置南都并洪州為南

昌府後主即位廢南都復南昌府為洪州宋太祖開寶八年江南平仍因洪

州置鎮南軍奉新縣屬焉真宗天禧四年改江南西道為

江南西路高宗紹興四年改江南西路為江南西道孝宗

隆興元年升洪州為隆興府以孝宗潛邸遙鎮南軍升州為府元世祖至

元十四年宋平改江南西道為江西行中書省改府為路

以隆興府為隆興路至元二十一年改隆興路為龍興路

順帝至正二十二年明太祖為吳公之七年取龍興路改

龍興路為洪都府二十三年明太祖為吳公之八年改洪

都府為南昌府明太祖洪武五年改江西行中書省為江

西布政使司領府十三南昌府屬焉南昌府布政使治領州一

縣七奉新屬焉

國朝因之

疆域

東自縣城行四十里與新建縣石鼻連界

東南四十里界牌舖與新建縣連界又八十里至省城卽
新建縣治

東北自縣城行十五里與南康府安義縣龍頭岡連界又
三十里至安義縣治

南自縣城行二十里與瑞州府高安縣鑿岡舖連界又四
十里至高安縣治

西自縣城至冶城迤北共一百十里與義寧州茅岡嶺連
界又一百二十里至義寧州治

西稍北一百四十里與義寧州寒婆嶺連界

西南自縣城行八十里與瑞州府新昌縣枯竹坳連界又

七十里至新昌縣治稍西一百四十里與新昌縣找橋連

界

北自縣城行二十里與靖安縣長山連界又二十里至靖

安縣治稍西一百十里與靖安縣龍頭坳連界

全縣東西廣一百六十里 南北袤五十里

省志云編戶一百五十一里

縣城至郡城陸路由桃樹鋪小路口落瓦鋪青山鋪望城

岡等處至沙井渡江抵省共一百二十里 水路於南門

登舟由謝家渡宋埠石鼻長埠萬家埠山下渡涂家埠至

吳城共一百八十里從吳城泝長江至省又一百八十里
共三百六十里

縣城至江南龍江驛計一千五百二十里至北京會同館
計四千一百七十五里

郵舖附

總舖在縣前由縣而東通省城 十里桃樹舖 十里陽

烏舖 二十里界牌舖過此卽新建縣界 十里抵社坑

舖 由縣而西通義寧州 十里九梓峯舖 十里山口

舖 十里下坡舖 十里渣村舖 十里遊路舖 十里

羅坊舖 十里路口舖 十里黃沙舖 十里礪面舖

十里九仙舖 十里茅岡舖過此卽義寧州界 十五里
 抵山頭舖 由縣而南通瑞州府 二十里鑿岡舖過此
 卽高安縣 二十里抵長溪舖 由縣而北通靖安縣
 十里界竹舖 十里烏嵐舖過此卽靖安縣界 十里抵
 瓦橋舖 由縣而東北通安義縣 十里三溪舖過此卽
 安義縣界 十五里抵箬箕舖
 奉新驛在縣署之西

坊都

縣市上坊統坊三曰擢英坊曰積慶坊曰登仙坊統坊三
 下坊統坊四曰種德坊曰招賢坊曰立行坊曰宣化坊統
 坊四合上下共七坊 舊志按縣治舊止五坊明初增爲七
 天順六年知縣謝煥又增爲入上坊
 曰明倫曰立行曰宣化下坊曰儒效曰登仙曰醇厚曰招
 賢曰登巖後復改爲七易今名其中改并稱名不一舊志
 未詳姑據現在者列之以備考云

科第坊二十有四曰擢英坊 在下坊爲解
 元王從言立 曰折桂坊 在縣
 治東

爲鄒軻
 鄒軻立 曰攀桂坊 在下坊爲
 黃載立 曰三進士坊 在縣
 市爲余良
 樞良顧良翰立

曰應奎坊 在上坊爲
 喻伯啟立 曰樂英坊 在上坊爲
 熊本誠立 曰父子登科坊

在縣市爲余
 秉清余禎立 曰聯秀坊 在下坊爲
 張昭立 曰登雲坊 在下坊爲
 許堅立 曰

積慶坊 在上坊為 曰鍾秀坊 在上坊為 曰賓賢坊 在上坊

立 曰進士坊 在縣市昭德觀前為廖天明立 曰擢秀坊 在河南市為舒義立 曰世科

坊 在河南市為熊濂立 曰文奎坊 在從善鄉為周鑑立 曰飛黃坊 在從善鄉為黃岳立 曰

步蟾坊 在從善鄉為余鼎實立 曰銀臺坊 在建康鄉為呂爰正立 曰折桂坊 在

康鄉為 謝金立 曰文奎坊 在南鄉為劉震立 曰世科坊 在北鄉為宋慶立 曰經魁

坊 在新興鄉為徐燦立 曰凌雲坊 在奉新鄉為湯自新立

職官坊 六曰繡衣坊 在儒學前為御史鄧顯麒立 曰五馬第 在從善鄉為知州况

夜 曰大冢宰坊 在縣市長街為尚書宋景立 曰大司空坊 在縣市長街為尚書宋景

立 曰三代尚書坊 在棚口前為吏部尚書蔡國珍祖鎮爇立 曰總憲坊 在縣

為左副都御史 帥眾立

旌德坊 二曰古孝梯里 在奉化鄉上富洪州刺史吳兢為劉育虛立 曰濟美坊

在新興鄉招賓明江西巡撫陸萬垓為捐粟賑饑之胡士琇立

縣治之前有長街東抵迎恩坊 即舊登畿坊治前向東稍曲向北至總鋪前方折而

東直抵 西抵文明坊 通化橋 邑中街之最大者故又名大

街縣前之南為馮泗巷折而東為父子坊巷再南折而東

為陳家巷其西為徐家巷自通化橋折而北為王家巷 又名

易 由橋而西中折而南為張家巷再西折而南為觀前街

昭德 觀前其東南有續節巷出巷口為曹家角折而西南為南

城街折而東為糧米倉前馬駕巷自南城中折而南為頓

架巷 即董家巷 自倉前馬駕巷中折而南為喻家巷曹家角之

南為曹家巷由大街折而南為棚口前即鹽巷一名中巷何公井

右為後巷何公井左為馬家巷由大街折而北為北頭街

稍東折而北出西為高家巷再東折而北為錦繡街由錦

繡街折而西為趙家巷折而東為柴尚書巷巷之右為雲

騰巷俗傳劉真即錦繡街之後巷也自北頭街而北中折

而西為甘家巷折而東為鄒家巷甘家巷之西北為衙背

巷在縣治北者為寺前街寶雲寺前在縣治南者為河街馮川之左

縣之城內有上市治左二十步天津橋南城外有河南市馮川南在縣

治東北者為中市南至北頭街北至小北門其在鄉則為新市南二十五里

城頭市西南三十里同安鄉定興市西六十五里進城鄉羅坊鎮西六十里進城鄉巡檢署

在馬他如鄉落大姓居貨而賈者所在多有舊志從畧今姑

仍之

從善鄉在縣東北舊統都三三都共統畧十一今統都三

三都共統畧八

建康鄉延繞附郭舊統都四畧十四今統都四畧九

同安鄉在縣南舊統都四畧十三今統都四畧七

奉新鄉在縣西南舊統都五畧十六今統都五畧八

南鄉在縣東南舊統都四畧九今統都三畧八

北鄉在縣東舊統都四畧十三今統都四畧九

新安鄉在縣北舊統都三畧七今統都二畧三

新興鄉在縣西舊統都三畝十今統都三畝五

法城鄉在縣西南舊統都三畝十六今統都三畝十

進城鄉在縣西舊統都四畝十八今統都三畝六

奉化鄉在縣西舊統都四畝十四今統都三畝七已上各鄉都畝

俱康熙二年經知縣黃虞再改編定額府志奉新鄉都四畝又設立軍畝一畝法城鄉都四畝奉化鄉又添立茶畝蔡

畝一畝

歸德鄉雍正十三年知縣趙知希據廣福贛棚民呈情申

請添設別立一都一畝其保甲因零星散處於進化安興

四鄉不能挨順成甲乾隆九年知縣覃一仁奉各憲勒碑

豎立衙署及四鄉仍歸土著稽查

皇仁

添立歸德鄉原委為
浩蕩憲澤無疆懇賞立籍以便輸將以普恩例事雍正十

三年三月初六日奉巡撫都察院常安批據奉新縣棚民

王劉徐邱張溫謝曾胡鍾等呈稟前事奉批仰布政司查

議報等因行司仰府轉飭到縣奉此該奉新縣知縣趙知

希查看棚民王劉徐等皆閩廣南贛人也耕鑿奉邑地方

蓋有年矣綠舉縣例有土著客異之殊視是以各棚民等

雖置有奉邑田產在糧多者猶得以寄戶於畝甲冊尾而

糧少者井不得自立的戶少有更置即起物議相沿至今

前據王劉徐等以懇立畝甲等事具呈前來卑職正在查

詳問王劉徐等復上控院憲批飭查議轉行到縣仰見各
憲遐邇同仁柔遠輯來之意卑職遵查棚民王劉徐等
散居卑職山鄉畝甲不能盡置田產計條銀三百餘兩計
艱難現今伊等戶丁眾多買置田產計條銀三百餘兩計
漕米三百餘石援照鄰邑寧武等州縣棚民另立畝甲之
例准其另立畝甲名曰歸德僉點糧多差催之滋擾并可
滾催依限輸納既免土著之紛爭尤省差催之滋擾并可
令各棚民自查戶口稽察匪類急公靖地均屬有益似應
邀請俯順與情賞准另立畝冊輸糧再查該棚民有益似應
習讀子弟百有餘名但從前未經呈請入籍既未應試茲

雖查其廬墓田糧現有印契可憑二十年以上者似應照
 雍正九年奉部覆准棚民入籍二十年以上者在各州縣
 一體應試按照生童名數取准入學之例第查考校大典
 仍恐棚民等不無冒濫情弊容俟奉憲賞准另立畝甲之
 後該棚民子弟應試之時卑職先期查對該童年貌取具
 互結造冊申報再行應試庶免濫之弊可杜而人戶以籍
 為定矣等因申府該署南昌府事南昌府同知高以靜復
 加查核王劉徐等雖係閩廣南贛之人而既在奉邑置有
 田糧自應如縣所議准其入籍另立歸德鄉畝甲別於土著
 俾免紛爭其子弟從來未經應試俟另立畝甲之後該縣
 查明內中實在入籍二十年以上有田糧廬墓的據者遵
 照雍正九年定例准與本籍童生一體應試是否允協伏
 乞查核轉申等因到司該布政使司布政使司承祖查棚
 民住居二十年以上者原有入籍之例今王劉徐等原籍
 閩粵南贛而耕鑿於奉邑俱在二十年以上該縣查明廬
 墓田糧印契可憑自應如其所請另立畝甲按戶催輸仍
 查明的實年貌取具互保各結同與考試則輸將畫一進
 取有基實符我

皇上
 一視同仁之至意也理合詳覆憲臺核奪批示以便飭遵
 等因雍正十三年四月初三日奉撫都院常批如詳轉飭

遵照另編畝甲按戶催輸俟該棚民子弟應試之時該
 縣查取的實年貌及戶保各結造冊申報毋許勾引外
 冒濫混入致干嚴究繳冊存 永禁棚民不得另編民
 牌文奉新縣知縣覃為濇陳禍害等事乾隆九年二月奉
 南昌府李轉奉布政使司彭憲票內開本司查得奉新縣
 民蔡兆盛等呈請照舊設立保甲稽查一案奉前憲批示
 前因遵經行據該府縣造送保長姓名冊籍詳覆前來查
 安民莫先於弭盜而弭盜莫良於保甲保甲之設乃地方

俞旨

第一要務屢奉
 飭行並經廷臣議覆地方有司不能實力奉行以致竊匪

不能盡絕皆由有司以設保甲為故套不能收有實效耳
 查乾隆六年內於一件力行保甲以收實效事案內經前
 司道等會議凡係數百戶及千餘戶之大村則照保甲舊
 例以十家為甲百家為保所餘零戶即附末牌同屬保正
 經管其數十戶及十餘戶之小村除立甲長外即就本村
 擇立殷實為保正不必分管別村庶該保正耳目亦周早
 晚便於約束至於深山窮谷星散棚民不能連絡成村者
 即責成本管山主不時稽查前取十家連名保結如有匪
 類潛踪不時舉報一經察覺除嚴究山主外十家保一併
 連坐又菴堂寺觀附近村庄者即一體編入牌保如係深

山叢林曠野孤寺即責成僧道不時前往稽查如有奸匪
 事發僧道一體嚴究等因通飭遵照在案今查奉新縣棚
 民俱有田園廬墓非去來不定之棚可比自應無論土著
 棚民選擇身家殷實為人端慤者僉點承充今據該縣查
 覆棚民委無全村聚族成姓俱係散居安興進化四鄉從
 前亦未設立棚保雖有四百餘戶查冊內土著三十四團
 一團之中土著有百十餘戶棚民只有十餘戶之煙編排
 保甲必須挨家連絡一處方能互相稽查今四百餘戶之
 棚民散居安興進化四鄉三十四團之內是零星間跳無
 疑若去聚族之土著僉點附居之棚民不惟更張現行之
 成例而且廢弛稽查之善政似應仍照乾隆六年詳定之
 例照舊僉點毋庸再議更張本司未敢擅便理宜具文詳
 請憲臺鑒奪以便轉飭遵照等因乾隆九年二月初二日
 詳本月二十五日奉巡撫部院塞批如詳勒碑飭遵照繳
 存冊

山川

獅山一名龍山在北關外百餘步其巔平敞極目遠眺可

望越山華林諸勝俯瞰城市千雲隱然在目舊有龍山亭

九日邑士大夫多遊賞於此故又名登高山其右一山形

如蹲象兩山相峙為一邑形勝之觀王維藩獅山形勝圖記新吳籍在豫章西

崑崙支庶得名茲土者不勝指若形勢繞匯託於胞與則

北郭之獅山著焉廣大尊嚴獨峙朔方邑藉為鎖鑰距百

餘步許縣治之堂與枕之至閭巷民居星碁繡錯由其上

俯瞰焉皆若出諸其懷山貌肥美其哀而頽者若脊窪者

若腰昂而就垂者若首首尾拱抱儼一偃臥狀唐宋時城

圍其下如獅在檻中馴伏不作武封丹積翠骨繡毛錦眩
 人或風雨驟起萬壑波沸遠近聞吼聲其為獅山名益著
 明萬歷九年更築新城始從形家者說外之
 國朝順治十七年寇右黃父母泣止匝三稔纂修邑乘論次
 諸形勝詢於眾曰有名勝如獅山者乎僉曰有遠因裨風

氣也有名勝尤勝如獅山者乎僉曰有近弗衛城郭也夫無裨風氣而衛城郭獅山勝矣名勝尤勝而不能勝獅山獅山名勝而尤勝者矣故吾於新吳必以獅山為首稱焉衆唯唯曰善爰命圖之以冠乘首許一元獅山記新吳為豫章望邑邑背枕藉有獅山焉巖崿崢嶸嶺嶺城堞每乘澄霽輒臨眺情怡非但表裏形勝亦可收攝景光當夫和風扇煖景色暄妍登茲山也若在閨風之巔天台之島俛眎閭閻如同下土及夫窮陰凜冽物候蕭條登茲山也又若志士仁人高標邁俗勝概凌霄經霜雪而獨立處歲晏而愈峭若乃天朗氣清非燥非寒登茲山也又若統百萬之軍按部陳行左權右奇前矛後勁鱗鱗甲立而大將居中其東則有洪崖緱嶽而虬嶺峻峯次之其南則華林浮雲石洞仙壇黃城馮水之勝在焉以至熊岫越嶠嶂其北九仙百丈嶮頭陀磐山蘆茨鬱鬱離離時其西而障隍之高浚坊廡之殷稠則已基布磴麓之下焉嗟夫世代推移方隅幾變更矣而縣治如故說者謂賓主趨迎席庇獅山良多豈非名勝環萃中得鼎柱磐石之意乎前人顏為龍山又為登高山亦以其風景相類也山靈有知將毋曰同劉應棠獅山詩獅山形勝正秋光矚目朝曦氣渺落林樹煙深家獨遠鼓鐘僧集飯初香池荷欲盡西風雨

疎竹猶生白露霜獅子吼時君見否素琴鳴處日初長頽垣芳草亂鴉鳴待火誰憐菜色氓幾點西山青萬古一條馮水潑孤城秋歸王謝庭前燕祿養笙歌幕下兵賈傅不須多痛哭峴山垂淚想輿情

岐山在縣治東南三里許控南北二水峯巒秀削諸山環

拱為一邑水口之關鍵

磐山在縣治西二十里山勢蜿蜒踞水陸之衝漢建安八

年劉表從子磐數為寇於艾西安諸縣嘗據此山陸神磐山遺鐵

詩磐城久已墮殺氣至今積粲粲土中沙英英莖中鏘鐵

沉夜月青羽飲秋霜白慨昔有苗頊兩階舞干格余秉

芳前題集句路繞羊腸躡屐躡晚秋黃葉滿天飛弩臺雨

壞逢金鐵廟枕長流掛鐵衣絃管變成啼鳥弄江山猶是

昔人非行人回首荒臺上幾處寒鴉噪夕暉蔣舜與前

題荒山故壘路峩嶷遺鏃年深鐵未銷神物久資陰蔭護

精兵不逐土花凋弓鳴尚想千兵合箭落猶疑萬骨消千

載劉郎幽憤在碧林風日晚蕭蕭于復亨前題劉磐舊

日屯營處遺鏃沈埋草莽間殘鏑不隨骸骨朽斷紋微蝕
 土花斑猶疑白羽凌風疾尚想烏號帶月彎太史功勳名
 未泯山河千載壯吳關徐大銓前題孤城亘野鬱峒峩
 鐵石徒存銳已銷春色曾傳金鏡響霜花應有鐵衣凋壯
 哉太史功無朽烈矣劉郎恨未消成敗英雄俱可尙風高
 易水共蕭蕭

陶仙山在縣治南十五里高十丈周迴六里峯巒秀聳重

複繚繞舊云陶安公修煉於此因以名山詩象賢遊陶嶺詩突兀層巒倚

碧空登臨一嘯來天風遠觀山色有無際近看村烟斷續
 中爐石苔封留勝跡澗泉波靜倒蒼穹安公已乘赤龍去
 欲訪仙蹤何逕通

蘆茨山俗名掛榜山在縣治西二十五里高九丈長三里

晉許旌陽逐蛟至此折蘆爲矛剪茨爲鏃以禦之故名

龍頭山在縣治東北三十里周遭環水聳拔凌空望之若

蓬壺焉山上有梵刹因山而名

越王山在縣治西北五十里奇峭屏列顛甚平曠可三里

許上有寶蓮院院內濫泉湧出匯而爲湖山之東有石佛

墓其西南則有鄒公洞琵琶峯虎跡石鳳凰池龍鬚洞雷

公巖遊仙臺諸勝通志一統志俱作葉王山洪炎越王山詩二首朝登萬仞岡夕宿雲霞間越

王昔何時稅駕宅此山山巔有石室險絕未可攀烟樹相
 映帶尙想騶輪還文吳二仙子騰蹕跨兩斑俯仰五百秋
 下視悲人寰王室久蕩析世路方孔艱我卜真人居荷鋤

劉蓬管林泉依福地樵汲闕靈關庶以遠兵革返茲及凋
 顏越王名茲山無復車馬跡絕頂有嘉處軒然大磐石盡
 洞祀其中神池蕩其側雲氣朝夕生合散一瞬息吾聞王

子搜隱遊辭越國王與去不返丹室鎖荆棘二仙出季世
 故老雜記識遺踪落人間小楷傳寶墨我希伯夷清願作

老聘役脫身埃壙外投喝望三益幸元龍遊越山卽景
 詩上得越山半方壺紫翠環山幽春溜響花落午陰閒梵

利依松外仙家在竹間小憩借高枕風定鳥綿蠻劉應
棠越王山詩刺史誅茅後盈公葢草堂至今丹井熱猶有
墨花香虎跡尋仙子雲旗閃越王捫蘿登絕巘杯水謔鄱
陽余紉蘭前題古池澗峯頂巖毀瞰層霄華嶺隱間出
匡山雲外飄石生崖下雨人渡澗邊橋鐘晚僧茶罷西巖
月色遙閔鉞前題摩壁千尋日已闕登臨未覺展行艱
十年謾說青鸞夢此日如同遠客還碧落雲生旌陣戶
响虎跡草封顏禪心叫絕星光久暫愛層城天作關王
維藩前題和韻策杖幽尋秋欲闕山花種種散行間盤旋
有意隨雲入羈旅多塵促屐還茅茨數椽山作戶薜蘿深
處霧爲顏緬懷楚越當年事不及開僧冷一關徐破運
前題越王山上月輪收翠黛青螺近欲浮霸業盡隨蓮院
水雲旗猶帶土城秋賦軍坪上松杉老走馬嶺前鹿豕遊
我欲登臨問典廢晴嵐如許遠峯頭帥我暮春同諸子
登城望越王山野燒詩日沒天已暝赤霞西北起登陴望
越峯火光只如咫萬年樹嶺崔巍延綿數十里風轉始逾高
雲黑光還紫蜿蜒如毒龍滅沒倏奇詭忽斷知各窮忽上
知峯峙忽高如撒星竹樹或披靡忽平如列伍或隱或迤
邐注視幻縱橫轉盼忘起止當春百物生羣動森億種頃
刻成劫灰天意豈如此古者戒虞人仁風一何廢嘆息關

荆扉青燈照牕紙陳希曾越嶺雲旗詩越王故蒙暮雲
飛尙想高秋見畫旂五色縱橫分部曲九重繚繞度旌旗
夕陽無復龍蛇影夜月空餘鳥隼悲懸瞻當年心事苦復
讎不忘會稽時陸紳前題越王此屯兵兵氣猶不散片
片嶺頭雲悠悠旗上慢飛揚日月懸舒卷龍蛇亂近日王
風清滿山春草爛余秉清前題越王遺精英與雲爲聚
散悠悠揚見氤氳彷彿旄幔目燥龍蛇文風翻熊虎亂只
今吟嶺頭郁郁鄉雲爛張銘善前題越王遺事已成空
回首雲旗感慨中半捲龍蛇知地迥高攀霄漢與誰同委
蛇暝合蒼崖月縹緲雲連碧樹風未掃機槍光宇宙且陪
長劍倚崆峒李鐸前題高山曾有越兵棲尙似雲旂日
夕飛絕壁卷舒開錦繡層霄閃燥拂璇璣雨晴霓竦流朱
飾日暖龍蛇遠翠微拄笏幾
回看不足乘風欲捲下林霏
西峯塢在越王山下按閱志此下有熊文舉記余志不載
今存其目熊記古拘不可解仍從刪

琵琶峯在越王山之西南孤銳突立又名齊雲峯仙虎跡
在焉劉應棠相公山詩齊雲峯下蘊奇峯冠履巍然正氣
叢好種龍鱗千百樹相公山竝大夫松

華林山在縣治西南五十里高八十丈週迴五十里半屬高安三峯秀拔土人常伺雲氣卷舒以驗晴雨寰宇記曰昔浮邱公隱居之所今南峯號為浮邱嶺吳猛於此立壇基址猶存元至正間李普成王普敬明正德間陳福一羅長一等常據此為寇

元秀峯在縣治西南三十五里華林之東南相傳王母第

九子元秀真人築壇於此以祭靈仙稍下一阜為仙姑壇

仙姑李八百之妹明香真人嘗修煉於此

廖揖仙壇月珮詩翩翩仙子下

瑤壇月滿長空聽珮環寶鏡寒光秋杳杳瓊瑤清響夜珊珊素娥天上鳴鸞過金母雲中按曲還滿耳冷風吹不斷塵凡無路得追攀陰鐘前題元秀峯頭夜氣清天風環珮響青冥福聯玉蕊飛明月地湧金蓮聚列星遺玦尚懷

仙子贈鳴珂只許素娥聽麻姑有約朝真去遙想靈音徹帝扁

浮雲山在縣西南四十里周迴二十餘里上常有紫雲如

蓋土人以占晴雨輒應其山腰有李八百洞南有浮雲宮

投龍洞西有丫口石宮前有劍池丹井會仙橋諸勝

駕山在縣治西南三十里平曠可十里許唐宣宗微時常

訪逸民鄒垣至此登極後人因以名山南鄉石湖亦有登

駕山

王見山在駕山之南唐宣宗至鄒垣宅曾見而顧問因以

名山其西為鼓樓岡

烏龍山在駕山之南山多黑石形如龍鬣其麓有二阜蹲

伏若龜蛇狀祀元帝於上祈卜甚驗

巘嶂山在縣治西南八十里高八十五丈周迴十五里層

巒高聳四面如屏南有劉仙巖晉劉道成修煉所巔有風

洞穴濶二丈許風常出焉

九仙山在縣西一百里高三十丈周迴二十里上有壽聖

禪院宋潘興嗣記今廢

百丈山在縣治西一百二十里高百丈周迴四十里馮水

倒出飛下千尺其西北勢出羣山故又名大雄山南則平

原夷坦四山環拱唐大智禪師開山創寺唐宣宗潛遊至

此賦詩西有大智塔相傳寺後常有青猿來聽經罷則長

嘯而去山有草花如蓮名山蓮

明陳芹百丈山記予讀五

讀百丈清規今諸叢林所守者知茲山為昔唐宣宗禪棲

之地歲甲子予尹新吳問山去縣百三十里大半皆高山

廣谷溪澗重阻蓋自昔宦遊好事者終鮮至焉時三月余

以公事至其半途遂詣山至嶺皆田漢四散滿其上哇及

於下哇無慮雨暘其不可田者盡樹大竹從風靡如流雲

亭午始至寺在山谷窅無民居少憩至塔院尋柳公權石

刻天下師表大書云久失所在緣崖而上有宣宗流觴曲

水鑿石所成曲折重旋形方而巧上有巨石刻二字石盡

泐不可辨西有石壁巉巖榛莽不可窺意不止命痛芟之

亦無所見命衆盡力刮苔蘚報有字跡盡除之二刻漢篆

懷爽千山遠夢殘惟愁鐘動曉西下見征鞍
前題一入招提境方知梵刹幽雄風高百丈香火鎮千秋
名譽魁多士清規遍九州風雲飛畫棟日月近瓊樓石徑
晴如掃山屏翠欲浮竹樹棲彩鳳松蓋偃蒼虬法席無塵
雜神關少俗流長才漸杜甫遠涉訪湯休塵尾揮談笑龍
團接宴遊重來應有意杖履更相求李時應前題山深
沿澗路左右迥流聲但覺巒移峭行看地落平遊能無好
事傳故在知名獨有雄峯望全非殘斷情
國朝王維潘前題未識雄峯路逢人輒問途盤旋隨嶺折笑
兀望密孤石壁屯雲暗懸巖挂木枯行踪驚鳥夢寥落笑
吾徒劉甲華前題濕霧終朝鎖雄峯何處尋野狐連豹
隱石筍傍雲深山水酣遊夢晨昏足客吟老僧同抱膝枯
坐聽鳴禽釋一英前題異代叩靈跡重巖幾徧尋石寒
遺塔在僧老住雲深山月夜仍照溪鐘暮已沈野田秋竹
外何處覓禪心明李士奇百丈猿聲詩雄峯翠澤與天
齊中有元猿日暮啼澗底一聲青嶂晚風前長嘯碧雲低
啾啾遠逐鱗音盡娟娟還驚鵲樹棲若遇林歲時頻聽
泉巫峽草淒淒陰鐘前題百丈天高四
野猿吟紫蘿露濕鐘初靜紅樹月明秋
客淚哀辭不動老禪心王環獻罷歸山去
清
泚
雲
何
處

尋 余秉芳前題集句樓閣崢嶸面面開老僧說法石爲
臺天寒夜澈雲牙淨風急山高猿嘯哀烟暝月明瑤草歇
玉笙聲轉鶴徘徊我來一覽湖山小欲賦慚非宋玉才
胡汝器前題長廊寂掩緇帷正是元猿獨嘯時雲外曉
隨鐘韻急巖前聲並鶴聲悲厭聞羈旅思歸切慣聽山僧
出定遲亦有杜陵夔府興孤城落日淚雙垂徐溥前題
千山萬山霜氣秋一聲兩聲猿嘯幽豈非抱子出林日無
奈斷腸生客愁亭午娟娟有時息拂曙哀哀不暫休想是
賦詩辭老衲玉環歸去爲君留涂日章前題迦葉秋高
爽嶺清山寶何處斷腸聲豈因狐蛻悲巖寂多爲鶻啼和
月明寒瀑流殘三峽冷疎鐘鏗徹一燈羸驚回半覺嵩陽
夢愧爾勞勞此夜情

駐蹕山在百丈山西南唐宣宗嘗駐於此按通志駐蹕山一名車輪峯

釋迦峯在百丈寺南五里又名寶峯高與大雄峯等

迦葉峯在百丈寺東高二十丈周圍二里許

野狐巖在百丈山後昔懷海禪師開堂有老人聽法曰墮

落此山今有幸矣明日老狐斃巖下羅隱詩云瀟瀟寒光
誠路塵相傳妖物此
潛身又應改換皮毛後何處人間作好人

梅峯在石溪形如梅花五朶葱鬱如雲上有乳泉瑩白如
雪高安朱吾弼曾有題咏

古基山在百丈山之東蒼翠插天常有雲氣籠之上有古
基寺

虬嶺在縣治東南二十里半屬高安峯巒秀聳蜿蜒如虬

上有漢劉繇廟堪象賢登虬嶺詩獨羨虬峯峻孤絕寄雲
表倚嶺瞰其下萬家一目了田畔密如櫛

巨壑窄似沼幾回勝地遊躡登巖松杪怪蔓挂枯槎壽藟
萬蛟掉虬王殿脚幽禪房各深窈遠勢貫瑞陽烟連衆山
繞哀湍吼梵音宿雲拂青篠俛仰人間世萬古一昏曉憑
眺百感生長歌動林鳥

起鳳山在法城鄉渣村

梧桐嶺在縣治東南三十五里綿亘數里脊分東西東屬

新建西屬奉新上有古廟兩縣附近居民報賽嶺西北有

界牌舖

夫子山在進城鄉羅中庸誠明二先生構亭著書

馮川河在縣治南一百五十步一發源百丈山由甘坊至

橫橋一發源橫坑經瀑布抵石溪一發源千里峯歷桃源

至石溪三水俱匯於側潭一自龍頭坳發源過九仙湯至

南壩陂與側潭水合匯於上富其南一支自白水嶺發源

由定興至冶城與上富水合流經羅坊過陰村又與上下

二小港水合過招賓東下至會埠與北嶺水合流四十里至縣岐山下與馮田水合由東北至義興與靖安安義之河合又八十里至涂家埠會義寧州武寧建昌三水至蘆潭北流入豫章出鄱湖注於大江黃宗義今水經奉新江自寧州歷靖安縣至奉新縣南為奉新江按此蓋誤以乾洲河為奉新河齊名南水道提綱馮水出奉新縣西北與寧州界之百丈山即寧州東南境東嶺之東北山也東流經南坪橋南鯉魚山北東北曲曲流折而東南合西南來謝山之水東北流有河山及北嶺水合自西北來會東南流受西來一水又東南經葉王山西南麓受諸溪澗又東流受南來李家山水又東受南來華林山水又東受白鶴山水皆高安北境山水也又東受北來之龍溪水又東受奉新城西水東經縣城南稍東有米嶺水合高胡山水自南來注之又東北數十里經安義建昌至吳城鎮入鄱陽湖按此中所載地名多舊志所無存之以備參考

龍溪在縣西二十里自雲陽山發源過雄嶺至觀下與九溪洞水合過白沙抵青潭折而東至礫溪出萬坑濼迴數里與馮水合

華林水在縣治西南四十里源出華林山南濼迂過同安鄉歷奉新鄉至馮田與馮水合流而東

藏溪在縣治西十里發源華林山北自仕源過石門經水口南宅與吟溪東田二水合流匯於車坪折而東北至遐富與馮水合

龍珠橋水在縣西南二十五里源出大禾嶺由大源濼迴十數里至縣治西二里許入於馮川

乾洲河在從善鄉去城三十里源出靖安至黎家灘入奉

新界過乾洲至龍頭山抵顧埠又東至黃狗灘入於安義

河按水經注綠水導源建昌縣漢元帝永光二年分海昏

立綠水東運新吳縣漢中平中立綠水又運海昏縣王莽更名宜生謂之上綠水又謂之海昏江通志上僚水

一作上綠水與水經注全異

古蹟

越王城在縣西五十里相傳越王句踐伐楚屯兵於此有

齊雲峯踢球場青草塘點軍坪走馬崙雷公塘諸勝按春

豫章屬吳後越滅吳併其地則越王至此事或有之

太史慈城在縣西二十里吳建昌都尉太史慈築城於此

以拒劉磐周迴三里俗呼磐山每風雨過人多於其地得

青石箭鏃

倉城在縣治北門外龍山下山北有井井上有牆延袤數

百尺相傳馮氏倉場舊址舊志按名勝志漢遷江東馮氏

田故其水曰馮水倉場之名實治於此舊志謂馮道倉場或疑南唐馮延巳舊址治庵集併疑為延巳之弟延魯俱

余城在縣西十五里四望平行一山矗立梁書于慶入豫

章進攻新吳余孝頃起兵拒之因築此城周迴三百五十

步按余城即今五步城遺址現存

故城在縣西二十五里唐神龍二年遷縣治於馮水之北

因名其舊址為故縣按名勝志靈帝中平二年分海昏置新吳縣故城在今縣西三十里隋省

入建昌據此則故縣之名不昉自唐矣潘相過故縣詩

風雨經過故縣場昔賢功業事茫茫幽花歛笑春容淡芳草牽愁古道長南畝累更租稅在東山依舊管經荒蓬鄉

問俗無人說野鳥臨風叫夕陽宋應昇故城詩鷓鴣潭下十尋清曲渚依然護故城野艇蘆花迷釣客孤村落日急鐘聲衣冠省識荒邱暮城堞空餘古木平不是登高能賦者誰知思古發幽情

黃城在奉新鄉周圍一里相傳宋岳飛經此築之為屯軍

所遺址現存

東白源在洪州新吳縣見洞天福地記

樓子莊在縣西一百四十里宋岳飛追叛賊李成於此大

破之

李八百洞在縣南三十里浮雲宮西洞口甚隘但可側肩

而人行數十步漸高其深莫測或云高安郡圖亦有李八

百洞與此相通唐開元初孫天師智諒受張天師法妙書

藏此故又名天師石室舊志洞口橫石如額鑿入百洞天四字後書蜀弟子閔敬中題入者

層下十餘步乃得一洞濶丈餘復有一門如前絕下而入濶亦如前至第三層四層其門更隘望下水光蕩漾遊者

至此不敢復下矣今洞口淤塞額猶可辨唐會昌中有
修德鄉邑民龔姓者入八百石洞中獲六丁禱雨訣凡遇
亢旱祈禱輒應咸通五年道士朱元整於洞中獲石函內
有經二卷函上題云真風顯色性元整解之曰色者朱也
性者姓也遂還高安闢校經教道法盛行符載題李入
百洞詩太極之言混沌折此山亦是神仙宅後世何人來
飛昇紫陽真人李八百胡僧孺入百石洞詩入百遺踪
石宰存神仙杳邈事難論雲浮絕頂人常見龍起深潭
亦昏信有林泉開日月好將名利付乾坤他年棲隱山
下咫尺烟蘿再可捫潘典嗣前題八百仙來不記年刻
池丹井尚依然秀峯插漢合靈氣古洞通真鎖瑞煙竹簡
漆書何處覓神符白雪更誰傳芝舄一去人間世應念滄
波又變田余秉清前題仙人竟何之仙宅在人世別有
蓬瀛天深藏鈴汞秘環門流水響曲徑陰靈翳闕道去尋
真白雲自開閉余秉芳前題集古洞口龍眠紫氣多登
臨佳趣果如何草迷古洞仙何在石磴盤空鳥道過紫府
有名同羽化白雲飛影度岩阿飛行偶向山前過天近應
聞織女梭舒禎前題千古神仙窟宅問洞門流水響游
溪雨餘樵子窺龍去日落仙翁駕鶴還瑤草春深迷遠徑
白雲秋淨鎖元關尋真何必遊蓬島只在華林紫翠閒

投龍洞在元秀峯南五里舊名浮邱石室唐明皇於此投

金龍昭宗時里人費瑄得金簡玉環重三斤十二兩上有

鏤文八十四字宋大中祥符三年遣使復投金龍於此

載投龍祠唐元宗所投金簡有鏤文八十四字曰大唐開
元神武皇帝李隆基本命乙酉八月五日降誕夙好道真
願蒙神仙長生之法謹依上清靈文投刺浮邱公石室位
奈君臨不獲朝拜謹令道士孫知諒齋信簡以聞惟金龍
驛傳戊寅八月丁酉朔五日辛丑告文後道士費冲虛得
而獻之鍾傳奉安紫極宮表聞於朝尋詔復投洞中陳
容浮邱石室詩何年仙子住清都千古休論事有無寶簡
尚存唐鏤刻金龍猶記宋祥符藤懸夜月猿呼伴花落寒
風鶴哺雜窳冷丹成人去後洞門長鎖白雲孤

鄒公洞在越王山西初文簫吳彩鸞寄食鄒舉家俄跨虎

仙去留藥一粒與舉且遺以詩有云簫聲迎露濕鷓翅伴

雲閒一粒仙人藥服之能駐顏自是隱洞中得長生後人
卽其地爲招仙觀仙虎跡在越王山世傳文簫綵鸞昇仙

處有二虎跡彷彿於石上

彭鏞雲峯虎跡詩蕭鸞已去杳難攀萬里雲青見兩斑獨駕靈

風超物表空留陳迹向人間岩扃盡鎖藤蘿合薛磴寒吹

鶴翅還下界蹄灣空滿地仙遊誰解覓元關李棧前題

羣峯結螺起二虎留跡去仙蹤杳莫攀芳名今古著雲根

獨跨時華表欲飛處攬轡試一登回首空烟霧陸神前

題文吳二仙人跨虎上昇去事跡雖渺茫聲名獨顯著蒼

蒼苔蘚中隱隱瓜痕處彌磴問仙童烈風滿林樹余秉

清前題二虎昔何時歟乘二仙去靈風往事非碧蘚遺踪

著捫棘追攀中凌霄幽絕處峯頭數徜徉杳藹雲迷樹

余秉芳前題集句雲和草靜迴無塵猶是當年出洞身真

跡已隨龍化去山坡時見虎蹄新英雄故國千年恨石洞

桃花萬樹春偶爲登臨發舒嘯淡烟疎樹碧細縕朱本

初前題越王山上歷躋攀瑤草葳蕤覆石壇絕壁無梯人

跨虎層霄有路女乘鸞千年鼎竈苔華濕五夜樓臺桂影

寒塵世瑤京原不遠鳳蕭聲在碧雲端李治前題絳霞

結就錦成機却向峯頭跨虎歸足力不隨苔蘚沒爪痕長

帶綵雲飛氣橫危磴風猶烈步入元崖路轉微欲覓遺踪

蘿薜翠九關深處珮聲低張昱題吳綵鸞寫韻圖詩小

點紅鸞欲下遲遠山渾似畫來眉如何一念人間事上界

仙曹使得知劉熙綵鸞岡尋仙虎跡詩寫成唐韻擲人

問馴虎同騎笑入山遺跡岡頭追不及野棠花落白雲閒

虎跡在琵琶峯之巔傍有麻鞋拄杖之痕隱隱可見亦

奇景也士大夫之遊仙者必訪其處逕由招仙觀黃冠厭

憚之乃於山腰鑿二跡以給人而昔之真跡見者亦罕矣

仙人洞在百丈山

筍石在百丈山寺後二石對峙尖秀如筍故名

大義石在百丈山惟政令衆僧開田爲說大義故名相傳

師示寂時有石開一拳吾當再來之記後生紅柏一枝石

因開焉

老僧看經石在百丈山

龍蟠石在百丈山

鎮蛟石在縣治西十里延真觀內舊傳許吳二真君逐蛟入穴以巨石書符鎮之有石碣尙存

試劍石在縣治西八十里有巨石中分相向如削舊傳許真君逐蛟嘗試劍於此

丫口石在浮雲山西一石分三尖相傳梁時羅武修道之所

七寶石在寶雲寺佛座前五色爛然溫潤可愛有胡賈見之夜入寺竊取掘地深三尺石根未盡天明遂棄去今石

亦不存

遊魚石在縣治東南馮水中石廣數畝狀類魚遊其大墩

舊倚岐山南岸因洪流澆漚遂漸徙河中一柱中流四山

環翠上有九天閣詳建置志

鄧元之遊魚石記石以魚名何哉邑之東南有石突出中

流狀類魚遊因名之其石廣數畝如砥水觸之成聲風蕩之成紋徑路陡仄無級可躋上有一庵魚聲隱隱烟樹迷離名公韻士常喜登眺焉一日黃夫子泛舟遊覽曰此砥澗也雲水來親會心自遠建閣其巔與東壁文峯並峙公餘集秀彥操觚其中顏曰元社登斯閣者覽其奇志命名知夫子勗望後賢者遠且大矣噫遊魚片石一經品題而名遂以傳是名勝之遇知已固有待哉遂爲記

鎖石在縣東二十里許旌陽逐蛟鎖此石以鎮之故名

承帥

發鎖石記去邑城東北十五里厥土下下於曠衍中忽有嶽然負土而出者爲鎖石高三尺圓圍五尺石根盤入無

際石面突兀四窪苔錢斑駁不成紋叩之鏗然有聲小溪環繞如帶四望羣山積壤中蹲者坐者俯者仰者箕踞者偃蹇者僵臥者皆若拱揖而茲石獨雄據其中相傳許旌陽鎮蛟之石究莫可考據又未經高人品題歷千百年而不毀獨獨立而能永貞者非偶也石峙余基之左余基遂以茲石名云

英遊石在越王山

仙臺石在越王山

磨劍石在城東北小山下片石橫斜上有磨劍痕相傳許旌陽遂蛟淬劍於此

白石在法城鄉渣村白石山其石外黝黑剖分許白如銀三石屹立中一石上累數圓石不墜或仆之經宿復立每鄉會試石間生紅蕊里人以卜科名屢驗

九龍池一名劍池在浮雲宮前宋胡仲堯創華林書院學者嘗洗硯於此故又名墨池

鳳凰池在越王山

流觴曲水在百丈山西北唐宣宗避暑時尋山窮源鑿石引泉疏為九曲每曲置石墩以坐又為石梁跨水以通往來元趙孟頫書流觴曲水四字鐫於石壁

瀑布泉在百丈山西北豫章書唐宣宗避武宗之忌為僧遊方遇黃蘗禪師誅瀑布云千岩

萬壑不辭勞遠看方知出處高宣宗應聲曰溪澗豈能留得住終歸大海作波濤宣宗竟踐祚然自此以接懿德遂

不靖作波濤又石溪亦有瀑布泉帥我記沿溪西行石路齒齒高山夾溪嶺田上

豈非識耶下緣脰曲折二里許至橫山之側竹樹蔽鬱峭石鱗錯從葉罅石角間攀緣而下則兩峯如天闢為一峽峯腰巨石

橫亘飛流噴薄而出者瀑布泉也其下石板平廣如臺有
 潭潤二丈餘圓如鏡光潤淵不日底飛泉倒注聲吼怒雷
 細末噴雨吹霧滲人毛髮不敢泊視稍下泉折石削復有
 小潭相接殺其奔流之勢聲冷然細波濤然若鐘鼓
 之餘聆絲竹也至是石側斜下滑不可置是匍匐而降
 仰首望之則潭旁石壁高數仞二折而登轟聲震谷若鏡
 吹若鼓角激壯深沈肺腑俱例若迂迴蕩漾然後石罅人於溪
 下潭潭廣於最上者圓勿若迂迴蕩漾然後石罅人於溪
 兩傍喬松行列異鳥交鳴正午始得見日非有瞻氣莫能
 登焉前之遊者皆不得路惟望於溪北大略而已此中奇
 勝有未覩者予甚恨之恒與諸友約必造其巔甲寅九月
 始得披榛莽歷巉巖而登之噫自無賞之者世固有切堂石
 伏於叢山雜棘之間歷千百年無賞之者世固有切堂石
 石而點綴之而表揚之尋幽訪勝之士不惜千里杖履往
 遊然則山水固亦有顯晦耶於是書所見以告後之遊者

溫泉在九仙山壽聖禪寺東北其泉一温一沸上有亭覆
 之名人過此多題咏刻於石 黃載九仙溫泉詩見說神仙
 會此遊溫泉遺跡至今留中

涵昇日陽鳥墜沸湧堯天大火流不見烟光飛蜀井還疑
 地脉接炎州幾回夢浴天池水晞髮陽阿駕紫虬 鄧輝
 前題馮水溫泉在何許九仙山遠縣西偏窮源洗藥出淵
 霧夾岸種桃成洞天誰會射日落水底人想沸潭運石邊
 亭柳垂垂謝琴折理亂不比驪山前 黃同伯前題絳節
 朝真去莫攀却傳湯沐在人間源分火井煙光靜暖透虞
 淵日取問解珮不愁風露冷濯纓長想詠歌還明皇那識
 神仙侶空向華清籠玉環 余秉清前題羣仙駐輦區一
 水湯爭熱信知和氣充猶說丹爐蒸射日漫荒唐浴沂同
 澡潔傳聞徃昔云火井原同穴

龍潭在石溪 帥我記石溪有二溪焉一自獨孤峯一自瀑
 布至畦日橋匯為一橋下兩山相夾溪流其

中而溪之奇在石人立者虎伏者方如臺圓如鼓者或數
 石相倚如朋者或一石潭平如暉者俯者若欲墮於水仰
 者若欲登於山橫者若眠直者若行水至與石爭石故當
 其衝以折其勢而激其怒或泐石竟過或波立噴石面或
 穿石腹出兩岸山高百仞竹木蒼鬱自下視之天光水色
 如一條冰漸下將里許山勢忽開溪之波瀾從此亦極龍
 潭在焉潭之旁巨石壁立如門石上皆有泐窪圓則釜若
 深則井若凡數處潭之上有數石樓挿過溪如欲過水迴

者水皆聚然後石板遞水下高於潭約六尺水如衝雪鋪
 練注於潭其聲鼓然鐘然雷霆然自石旁溜者滴者則又
 如管然砉然潭廣十餘丈三面皆石一面復出為溪其深
 無底水清而碧微風蕩漾水面皺縠潏潏然有霧氣起相
 傳其下為龍宮焉有蔡法師者得異人術常入其中云有
 石階數百級是未可知也其左即為石溪通道來石溪者
 遠望即見龍潭自龍潭稍上即見畦日橋橋長十餘丈皆
 屋其上與兩旁山接初至者不知內之平廣制作與山水
 相成宛有桃源之意故得併記焉

又仕源亦有龍潭紺寒深冽蛟神窟宅上有廟禱雨輒應
 馬投潭在縣西中會村源出百丈流注於潭又名司馬井
 其井在縣西六十里頭陀寺後相傳唐司馬頭陀精地理
 為百丈大智師卜今寺址囑云俟我出千里外始開基不
 然於我不利言訖辭去翼日遂開基變怪百出師不為動
 怪逐頭陀至中會村知不免乃赴水沒頭陀有仙術遂逆

流而上從井出焉

石門在仕源自龍潭廟下巨崖壁立相峙中夾一澗可二
 里許小石羅列澗底水聲穿門如響金奏焉

大澎潭在縣治西南七十五里兩岸峭壁如洞高十餘丈
 中夾金港石巉流怒噴瀉如練潭下深黯不可測一名白
 水洞里人禱雨輒應

劍井在南鄉羅塘大澤村澗五尺深一丈徹底皆石色純

紫相傳許旌陽自柏林得劍至此試劍透石迸泉為井故

名許一元劍井賦余生自章門長饒南邑征衣四出故里罕經父兄往往為余述家乘名勝及先賢吟咏輒心慕久之歲辛卯余獲雋歸里望此嶺朝雲玩龍岡夜月聽前坊牧笛和後村樵歌閱大澤春耕把羅塘晚釣濯仙壇秀

水飲劍井香泉表徊俯仰與父兄所言不殊而劍井之蹟
 適當諸勝之中瀾瀾頓挫稜痕可觀飲之則病者愈渴者
 蕪籍經就改心曠神怡洵功德水也匪光劍影今尚有存
 者乎感不絕心賦以見志其辭曰惟神功之奇對溫泉而競
 於羅溪銀牀湛水壺之皎金罍漱雪乳之奇對溫泉而競
 爽抗丹井以匪夷爾其石崙圍圖鏗鏘剗剗起篤疾於瀨
 危甍聳人於垂死無羸瓶之可虞有植杖之堪指疇不飲
 德而席麻奚啻標竹之元軌若乃味甘如醴色白於銀清
 光映漢和氣噓春古苔封老翠於玉瀾碧梧落新青於素
 砌不發不洵隨池隨藜類三皇之擊開混沌陋伯益之浚
 郁郁其靈陳信乎下穿地挺之脉上通天河之津是以酒
 泉恒酣石墨黝斑司命半淡綠珠冶顏風粉金雲旌其異
 浪潮瀾洑殊其班銅人過關於盤固金喙作祟於華山潛
 室土羊之異羨臺女國之間彼皆標奇而志怪屢諸常經
 而可刪若夫紫陽藻幹清視一曲既渾脫兮瀾灑復源流
 兮接續湧瓊漿以滌沈疴滋瑤泉而洽比俗無羨乎吹簫
 女子殆有似神農之既育宜其與百丈爭雄九仙儷美古
 今共錄豈人力所能知非都仙其誰與屬亂曰有赫斯靈

上帝所式受之柏林厥石是即銛刃割然甘泉湜湜沐日
 浴月養生去疾惠我人斯無疆無極水斷蛟龍有如此石
 涂七公井在縣治東街公廟前初公卜徙縣治乏井不便
 民因為七井星布市中此井水尤甘公即文師

劉真君丹井在昭德觀晉劉道成煉丹所久湮明宏治間
 知府祝瀚掘井數丈得印劍各一劍攜去印存本觀

冷井在縣治立行坊蔬圃中深三尺許秋夏不竭每溪漲
 井沒其水清澈如鏡飲之寒冰襲齒今淤沒不知其處

浮雲丹井在浮雲宮前

柳公權法正禪師碑在百丈山大智院師以元和十四年
 示寂歲久碑多殘缺按傳燈錄師示寂於元和九年

柳公權石刻在百丈山西石壁唐懷海禪師闍法山中稱

百丈祖師柳公權為書百丈清規四大字

按百丈志及陳芹遊山記俱作

天下清規今山北有巨石刻天下清規四大字旁小字模糊不可辨或云此非舊刻舊碑為兵燹所廢今亦無考

石佛墓在越王山相傳顧主簿初開富陽陂後河得一石

人骨連鎖子形如佛像背刻詩云吾死五百年靈骨臥黃

泉若逢顧主簿送我上高原顧因昇華越王山

按本邑主簿無姓顧

者或前志偶遺抑或署任例不登載故闕其姓氏與

木人家在百丈山東南相傳大智禪師創寺木人為之開

田後葬此

邵彥輝木人家詩昔有人兮字木仙曉耕寒月晚耕烟短犁因憶乘雲去荒冢空遺在野田

黃犬墳在百丈寺西六十步相傳大智禪師說法黃犬常

來座前竊聽犬死僧葬之

邵彥輝黃犬墳詩怪石疊黃犬墳溪流松照月紛紛逢僧訊

爾當年事曾向寒山吹白雲

七星橋在百丈山靈境亭前一名七仙橋

仙人橋在百丈山南

聚德樓一名招賓館在縣西五十里宋進士陰應夢建子

幼遇居此招致賓客著韻府羣玉幼達為註釋傳於世元

許衡為記

雷壇古鐘在奉化鄉元延祐己未鑄上有涂孝子銘

靈境亭在百丈山唐宣宗嘗遊此

黃庭堅靈境御題老夫高臥靈境臺拄杖夜撞

青天開撒落星辰滿平野山僧盡道佛燈來况思文前題題詩誰向雄峯表帝子遐蹤與世違雲漢天章垂藻翰

蓬萊仙如落巖扉掌中已覺山河小宇內空看朝訟歸白髮殘僧憶古悵斷碑零落幾斜暉

鎖雲亭在九仙山壽聖寺前今廢

龍山亭在獅山元至元間縣令楊珪張治民相繼創葺并

刻名賢詩若干首元季燬

仁智亭在富陽陂山巔宋縣令沈雲舉創後遷於獅山易

名舒嘯今廢

義士碑亭在進城鄉羅坊中市為明羅性曦建

來溪亭在縣治西南前有放生池並廢

此君亭在寶雲寺宋縣令李平愛竹青茂作記蘇子瞻登

此亭觀李君文求其本而去

李平此君亭記新吳縣之東北有寺曰寶雲寺之西北有

院曰大悲地最高曠林木陰翳院僧可瞻儻工掄材結亭於林下龍江子一日登亭僧前乞亭額龍江子徘徊良久

愛其竹青茂因感東晉王子猷之語曰不可一日無此君
 遂以此君名之有客詰之曰甚哉子好古人之言而不思
 其實也世謂上則君之公之次則侯之子之以其有是德
 故予之以是名苟無是德或名分相違則爾汝之彼物類
 耳子愛之又取子猷之言目以此君何居蓋不知此君之
 名不掩其實者吾將語子以此君之德孰愈因代此君曰
 余生而柔長而剛深根固本虛心直節聳其枝幹不為塵
 染鬱為平林足以庇物若夫花芳木秀紅紫錯雜余則守
 東方正色不為奇巧艷麗之容矣赤日流空鏗金石焦土
 山高閣峻宇不能逃炎酷蒸鬱之氣余則來清風以濯熱
 生微涼而去暑露白霜凝嚴巒巒葉落原野草黃余則猗猗
 而美青青而藏風凜雪凍巨木幹枯余則歲寒其心不改
 其操言未終客曰語其德則美矣然則何時復用也此君
 曰苟有用我者覆之棟梁之上則足以庇風雨立之柱石
 之間則足以禦穿窬工採為器則物無不容鳳採其實則
 世無不治製之為筆則可以書天下之善惡執之為釣則
 可以取北海之巨魚列為邊則貴為宗廟之器截為管則
 和應籥韶之笙削為簡則可以紀君臣之功過方聖君賢
 相選用賢材內則美教化政事以迪道斯民外則鼓良將
 勇士以震懾戎虜英聲駿實豐功茂烈藹然已軼乎唐虞

成周之世將欲備笙簫以合韶樂列簡編以紀功勳吾將
獲用矣此君之名實孰愈哉客聞之赧然變容愧謝而退
龍江子因書於壁以告來者

景賢亭在奉化鄉石溪蔡氏建貢生蔡用重修

水心亭在天姥宮前順治間知縣黃虞再建後廢故址存

嘉慶廿年知縣姬學周查明四至暨石

黃虞再水心亭記
邑北山天姥宮者

建於明崇禎年間士女遊禱處也宮前舊有池為方可畝
余架以橋而亭之聊壯觀也復委二豫於中而亭之亭而
像焉得非佞佛乎豈其然豈其然藉以永吾亭耳 鄧元
之記奉新郭北環山嶽峯相踵屹然獅蹲象踞而天姥宮
其中有祈痘疹者應如響遠近崇之為眾母母云宮內古
木森疎周遭蒼翠一池泓然菱芡葑藻相亂黃夫子化成
幾三稔嘗往復低徊布橋而亭之飛簷倚空下臨無地中
懸大士像志切悲憫宰官說法亭成錫名水心翠客賦詩
屬元為記謂心能如水庶以水名心歌斯詠斯者匪獨為
一亭寫照也元愧不能為韻語嘗讀鍾竟陵詠梅花墅句

惟君有問身一橋一亭裏請移以贈客曰旨哉鄧子之工
詩也於是乎書 宋一光記人苟於圖繪之中得一亭端
然而四面水環者心輒欣然羨之一亭端然而四面水環
乃亭中有莊嚴寶像水浮荷葉之屬蕩漾於風清月白之
際者尤欣然羨之而不厭使於此亭繪一人角巾白袷凭
欄遠眺則必羨之曰何此人之閒且適也雖然有是羨矣
或落於深山大澤之遠則為人所棄或落於豪右富屋之
家則為人所私若是者又皆以不能遷地為恨云邑侯黃
公水心亭之建於天姥宮者庶幾不為人所恨而該備乎
人之所羨而且以水心名也侯之居心原如是其相若豈
惟亭哉故記之 朱議汴記天姥而宮之者何邑祠之為
祈痘疹福地也丈夫愛憐其少子母之愛子也倍於父神
亦然故陰騭之俾勿藥有喜也宮而亭之亭而以水心顏
之者何朱圍黃公宰是邑報政成三年矣宇下熙熙如登
春臺如嬰兒未孩乃以公餘闢而構之奉大士像於中廣
茲慈憫幼邑幼以及天下之幼也嘗考漢以前無痘疹書
拓跋魏時始有方藥唐以降則有董汲錢乙繼起著方立
論有功嬰孩原其先無是書安從問醫而後世醫以庸殺
人及執方書而不通變所殺者豈特痘疹為然宜乎掃除
岐黃家言神道設教赤子之生不失矣公以其德孚諸民

卷一 輿地 古蹟

者乎諸神尚意科條繁簡未殫強教悅安之慈者復援大士之美利利之俾夫少者既壯壯者得老老者咸百年崇手報而博乎施此其念真可懷而可歌也余觀德化謬綴以辭亦曰紀實也亭致備勝不具論李飛鵬詩香刹芳亭卓來遊意興濃深林紅葉積曲徑紫苔封淡月籠新竹輕烟罩古松斜陽歸步處幾杵暮天鐘

懷德亭在縣治北為知縣胡以溫建

塔附

岐山塔在岐山頂明知縣陳雋建後基址僅存乾隆五十

七年重建

迴瀾塔在東門外倉前洲乾隆間邑紳等經始甫成塔基

以費不貲中輟道光三年知縣鄒山立倡勸紳士宋鳴琦

等醵金捐建

鄒山立記天下無為其事而無其功者為山九仞功虧一簣弗為耳誠使得能為之人為

當為之事即擬壞可以崇山導濬能使宗海然則非不成之患而不為之患也奉新北枕獅山南臨馮水馮水源出百丈山及邑之西流分為二經流在北達邑治之南而東支流在南徑南市之北至邑之東而與經流合由此會歸馮川故縣治之東南為水口要道康熙初前合黃公虞再嘗於邑東南游魚石上建元社閣以與岐嶺文峯並時今修為九天閣者是也又即老東門廢基建文昌閣以迎異氣且以關鎖水脈後移學宮左為魁樓而此閣遂廢巽維水口無所資以鎮壓關鎖故水勢遂漫直疾走即西方橋支二流不復分為濛袍徑順流南趨經學宮前過馮川橋而東以直達於馮水考形家言巽方實主官祿奉新科第文明甲於他邑而邇年以來官祿稍遜良由巽維鎖鑰空虛風氣不能凝聚之故先是邑之人土欲即巽方水口倉前洲地方建宰堵波以增形勝而重關鎖前訓導分宜林君大任相度地形問縣紳耆等勸捐規事旋因所費不貲僅成塔基而止迄今又三十餘年矣余承乏茲邑頗欲修舉廢墜學宮城垣捐俸倡首賴諸紳士之力踴躍輸將亦既次第蕪事復以茲塔謀之鄉大夫鄉先生僉曰是固不可以緩第工難以獨肩獨力將不贖也任不可以太分道謀終無成也爰相與度其觀石計其既稟共需白銀若干

以二十七人分任其費經始於道光癸未七月十閱月而告成觀塔七級巍乎其煥雄峙異隅費不妄役不煩而功已就所謂得能爲之人以成當爲之事也塔旣成名之日迴瀾繼自今淵淳瀾聚毓秀鍾靈將必有勲名位望與蔡恭靖宋莊靖甘莊裕諸公後先輝映者未必非趨事之效而成事之功也維時諸紳士中捐資集事者則有宋鳴琦徐再階鄧南傑徐錫會鄧從賴炳鄧觀瀾彭顯謨彭守經徐秉義彭湖彭祖楠彭祖栻彭祖椿鄧和彭志密潘喬齡彭珊洪喬齡羅綸徐聯魁嚴有怡張照和劉映宿蔡炳南李守純劉斌內有子孫承祖父遺命出貲者仍書其祖父之名蓋不沒其初念也至出入之數另有刊茲不具載是爲記 按乾隆辛亥造塔基時邑紳金光奎廖廉胡鳴甘定廷彭華祚嚴盛旭涂錫盛倡首俱捐銀百兩至二百兩不等其餘闔邑捐數有差

石塔在進城鄉冶城郎中彭肇祚建

青雲塔在奉化鄉上水口 文峯塔在奉化鄉上路口

文明塔在奉化鄉高湖封職劉見龍建

中洲塔在奉化鄉白溪知州曾正浩命子遇春建

園附

社稷園 寶雲寺園 已上縣市

村頭園 乾洲園 柘岡園 已上從善鄉

三陂園 塔下園 坪上園 烏石園 已上建康鄉

江家園 黃塘園 平山園 矮山園 已上同安鄉

黃城園 土城園 赤墩園 官村園 下富園

嶺頭園 已上奉新縣

城岡園 水埠頭園 尙版園 院前園 已上南鄉

施家園 岡前園 鄧家園 鎖石園 已上北鄉

警山園 勞山園 高視園 已上新安鄉

張坊園 長平園 大路園 已上新興鄉

遐富園 安風園 石岡園 已上法城鄉

占家園 水西園 仙遊園 遊子園 已上進城鄉

巢田園 圳上園 大路園 甘坊園 已上奉化鄉

風俗

士多以讀書世其家搢紳居處循理尙氣節恥奔競宏治志曰士勤經史萬恭撰說曰儒有都人士之風蓋紀實也邇來風氣迺上膠庠士爭自濯磨以學問相尙科目較盛於昔鄉榜或一榜十餘人會榜或一榜三四人幾爲一省之冠至負糧煽訟諸習交相勸戒故俗稱淳厚云

農土瘠地隘罕通山澤播種之法各隨地利以順天時如上鄉宜晚稼下鄉宜早穫其樹藝節候遲早互異曠早則下鄉多歉雨寒則上鄉不實故奉邑每乏豐年農積終歲胼胝常不足於事畜服疇力穡亦孔艱矣至俗尙淳龐風

歸質樸則宏治志所云務耕萬恭撰說謂有田舍翁之俗
今亦不異於古所云也

工金木土陶各守厥藝俗差近古無淫巧奇技以侈觀聽
僅能置宮室營耒耜前民利用事畜於農第恒產不足力
作無資者亦藉以自給云

商里人重農逐末者寡無富商巨賈操奇贏於通都大邑
市販持空囊走四方其挾貲懋遷者惟火紙葛布紅麴數
種往來吳楚之交稍獲贏餘賦稅日用咸取資焉

冠自古禮久廢編氓無論已卽士大夫家亦從簡略惟男
子婚娶前一日延賓客父醮其子女于歸前二日行冠

筭禮猶得古人遺意

婚通媒妁先納采問名次具豬羊釵幣酒果諸物送至女
家謂之行聘次擇吉請期亦以儀物相餽遺至貧不能具
者則從略焉娶之日新婦絲興至門婿出迎入導之寢室
行合卺禮然後登堂交拜并拜舅姑及親戚仍設宴以款
新人次日鼓吹戚屬皆致賀婦家具粧奩富者大槩以華
贍相向往來締節禮俗相半若親迎奠鴈三日廟見諸禮
行者罕矣

喪死者擇吉而殮殮必從豐殮之日族長幼畢集喪家設
殮飯以待主人以下始成服訃告戚友若治喪受弔皆致

奠賻喪家裂繒帛答之發引日戚屬白衣冠送葬設路祭
文公家禮惟士大夫家能遵行之至於崇釋老信堪輿停
柩待吉習俗移人往往不免云

祭士大夫家各立祠宇祀木主於寢室謂之祠祭私居則
各祀其先祖及五祀神祇大約隨分貴賤因時薦享以盡
其誠至儀文品物城市鄉村豐儉不一亦罔缺焉

節令立春前日出土牛迎春於東郊鼓吹綵亭前導觀者
如堵 元旦設香案於庭五鼓起燃香燭祀神祇拜祖先
親族交相賀歲數日乃已 人曰俗謂之上七自元旦設
香案至是始徹七日不出灰糞於是日掃送 上元日家

碾米粉爲餅齋戒祀竈夜則張燈於通衢金鼓之聲夜半
始散自十二至十七日乃止事畢復設鼓樂送於郊外

清明日子孫各詣祖塋前掛紙錢行祭掃禮 端午比戶

插蒲艾於門饗角黍相餉晨起飲雄黃酒日開龔土人繪
造龍舟豎旗幟鳴金鼓爲競渡之戲自二十八日至午日
止婦人雜綵組作香囊兒童背腕多繫長命縷面塗雄黃
用以辟邪 六月六日士曝書農曝稻女曝衣 中元日

家皆食米粉間染以紅色設酒饌焚楮幣以祀其先 中
秋設香案迎月出陳菓餅酒茗玩月仍以月餅相餽遺

九月九日飲茱萸酒邑人登高於獅山 冬至士大夫合

族人黎明入祠堂祀先祖庶民亦然臘月二十四日俗名
 小年晝具雞豚黍稷祀无祖晚則掃室祀竈用膠牙餈二
 十九日亦設酒饌如小年少長皆讌會名曰大年除夕易
 桃符更春帖爆竹金鼓聲達且不絕舊志按風俗淳漓政
 治之得失地方之興
 替因之董子所謂善治當更化也書之之法惟淑慝並陳
 庶可循是以為因革奉邑素樸約今服飾宴會日趨於華
 雖一時積漸使然而其流不可不為之慮也則固地制宜
 示禮示儉俾反樸還淳以日隆於古處是在司牧者

物產

穀之屬有杭稻有糯稻有豆有麥有粟有芝麻稻下鄉宜
 早上鄉宜

晚亦間有早晚兼收者稻之種類甚繁杭則如團穀早尖
 穀早救工饑百日早北風粘油紅穀大禾芒糯則如早糯
 烏糯白糯黃糯紅糯糯即金包銀綿花糯柳條糯豆則紅
 豆綠豆早烏豆黃豆田陸豆羊角豆白眼豆蠶豆又有馬
 齒豆桶盛生芽熟食最佳麥則大麥小麥蕎麥粟則蘆粟
 苞粟芝麻則黑芝麻白芝麻皆是

布之屬為棉布苧布葛布

蔬之屬為芥菜菠菜白菜香菰竹菰莧菜蘿荷蒿苣白苣

苦蕒馬齒莧蒼蓬葫葵蕓苔即油菜冬種春
 收實可榨油 薑蔥韭蒜藟

薯蕷土人以
 根作粉瓠芋茄茵水芹苦菜冬筍菱筍黃花菜刀角

豆豉豆百合辣椒土名胡椒角

菓之屬有桃梅李石榴楊梅棗棗棹柿柚橘梨甘蔗柑榧
芋薺白果橡子蓮子芡菱藕花生

木之屬有椿樗桑柘檀松柏杉進城奉化新興新安四鄉皆植樟烏柏楓

桐槐黃櫨楮棟柞楮櫟冬青櫻櫚楊柳皂莢茶

竹之屬有毛竹造紙者以新生枝未盡散時取而春之吐葉則無用矣紫竹筍竹桃

竹筍竹筴竹苦竹方竹府志云可作杖

花之屬有牡丹芍藥山蘭月桂巖桂葵菊海棠芙蓉木槿

蓮花玉簪雞冠金鳳石竹杜鵑薔薇木樨芭蕉美人蕉瑞

香狀元紅山茶萱蕙月季薝蔔梔子山蓮臘梅

草之屬有仙人掌葛藤苧麻棉花藍草松藍可作藍慈姑蓼草

其種有七土人採以造酒紫草蒔蘿苾草產閩廣間今是處有之燈名春不老又名淡巴姑

心草名碧玉草一名虎鬚草金華春草巖撫州陝西皆種之不如奉新草白鞞而不食油

藥之屬有天南星牽牛子麥門冬車前子香附子馬鞭草

梔子枸杞子枳實蒼朮白朮黃精狗脊草香薷艾豨葶藶

穀精草茵香山楂五加皮何首烏金銀花蛇床子金櫻子

土名紫蘇葶藶子吳茱萸故縣產尤佳甘菊石菖蒲青蒿

糖櫻薄荷槐花木鱉子

瓜之屬有黃瓜梢瓜冬瓜南瓜西瓜絲瓜苦瓜銀線瓜土

木瓜俗名蓬蓬子形如木瓜而軟以兩手夾之承以盂水漿隨水中即凍味甘俗呼涼粉六月間有之

毛之屬有黃牛水牛山羊豕犬野豬虎豹熊鹿豺麝狸兔

